

學海類編

第三十三册



集

餘

行

餘

行言

孝詩序

寒齋力舜聘召死於隱約子同合以表其阡旌其閭爲未足也行其書焉嗣其學焉同又撫載籍以來孝於父母者事爲一詩詩具一意各二韻二十字積至三百首起邃古迄叔季兼取明天理未嘗異也事陳而意新辭約而義溥賢於煙雲月露之作遠矣寒齋之事實章也視調膈謁襲之節以康其體躬場圃井臼之勞以裕其力人知寶章之勇於退而不知其退之有以自樂也同合之事寒齋也亦然昔曾元養參已不如參之養哲石

奮諸子恬侯稍不逮逮至孫而孝謹遂衰今石塘之林奕世家法嗣守不失墜有古人所難能者惜其弟兄俱未脫白修於家浮沈於閭里而已余嘗恨世儒率華過其實若同之操行蓋漢孝廉之盛舉也詞藝亦唐進士之高選也頃良齋謝公嘗彙孝史五十卷上之阜陵同此詩他日必與謝公之史並行淳祐庚戌白露節前史官劉克莊序

孝詩

堯

道之大原出於天堯以是道傳之舜堯舜之道孝悌而已矣

宋 長樂林 同季野

舜

大孝終身慕父母予於大舜見之矣
孩提知所愛妻子具而衰大孝終身慕予於舜見之

禹傷先人之功而不成勞身焦思八年於外
啓
呱呱而泣子弗子惟荒度土功

傷心九載績焦思八年中啓亦呱呱泣惟思度土功

湯

葛伯不祀湯使亳眾往爲之耕奉先思孝
奉先思孝也不祀豈其情以至使亳眾而甘爲葛耕

文王

朝於王季日三雞初鳴至寢門外問安否何如日

中至及暮文至亦如之

問安寢門外旦旦俟雞鳴以至日中昃居常盡此誠

武王

文王有疾不說冠帶而養文王再飯亦再飯疾閒

曰女何夢夢帝與九齡

經言事父孝所以事天明疾閒加再飯夢中與九齡

周公

我之弗辟我無以告我先王辟馬鄭音避謂避居

東都 東山周公東征

我避故云辟東行是謂征先王猶可告豈為伐而刑

孔子

子曰所求乎子以事父未能也

事親良不易戰戰復兢兢學得如夫子猶言邱未能

顏子

謂子路曰去國則哭於墓而後行返其國不哭展

墓而人

返必展墓入去當哭墓行誰知顏氏子事死乃如生

孟子

幼被慈母三遷之教長師孔子之孫子思

如何年稍長汲汲子思師知是為兒日三遷感母慈

右聖人之孝十首

契

契以司徒教以人倫父子有親

天性生雖具人倫教可無往哉親父子汝契作司徒

元凱

左傳季文子曰孝敬忠信為吉德高陽高辛氏有

才子謂之八元八凱

當知元與凱不出孝而忠能舉十六相斯為舜大功

孝己

武丁之子莊子云人莫不欲其子之孝孝己憂而

曾參悲

子則教其孝人皆有是心如何武丁聖卻使子憂深

微子

微子之命曰爾惟恪慎克孝微子去之子曰殷有

三仁焉

豈計身封宋祗愁祗絕殷不惟稱克孝亦自首三仁

秦伯

季歷有聖子知太王欲立之逃奔子貢曰秦伯端

委治吳仲雍斷髮文身

為憐季有子逆探父傳賢斷髮文身事誣哉司馬遷

康叔

元惡大憝矧惟不孝不友子弗祗服厥父事大傷

厥考心乃其刑茲無赦

勿云服父事不敬亦無傷元惡與大憝邦刑自有常

君陳

惟爾令德孝恭惟孝友于兄弟克施有政命汝尹
茲東都敬哉

爲爾有令德存心孝且恭推之施有政往矣尹茲東

伯奇

尹吉甫子履霜操云無衣兮兒寒無食兮兒飢兒
罪當笞逐兒奚爲

無食又無衣逐兒安所之不辭履霜苦猶謂罪當笞

晉文侯

平王錫文侯秬鬯圭瓚曰汝克昭乃顯祖追孝于

前文人若汝予嘉

嘉汝故錫汝非將王展親克昭乃顯祖追孝爾文人

衛武公

年九十猶日警於國曰必朝夕以交戒我 又孝

子之身終

孝子身終者非終父母身武公年九十戒我尙諄諄

齊孝公

伐魯展喜犒師曰豈其嗣世而棄命若先君何君
必不然齊侯乃還

豈其伐與國獨不念先君想得還師去難堪此語聞

齊侯無野

晉侯欲質其母對曰若以匹敵則亦晉君之母也

又漢太公事

我母亦君母吾翁即若翁分羹何太忍請質可堪從

申生

姬泣曰賊由太子人謂太子子舜姬必有罪曰君

老矣我又不樂乃縊死

姬泣賊由子子舜必罪姬為憂君不樂甯死莫君知

晉文公

寺人披伐蒲公曰君父之命不校校者我讎也逾

垣而走披斬其祛

伐蒲君父命校者是吾讎披直寺人耳鉏魔信有謀

秦康公

晉文公甥涓陽詩云我見舅氏如母存焉又曰我

送舅氏悠悠我思

懷哉送舅氏日至涓之陽念母如存意悠悠寄二章

既醉君子

孝子不匱永錫爾類其類維何室家之壺釐爾女
士從以孫子

若為錫爾類不獨善其身既念化家室還思遺子孫

四牡使臣

有功見知則說矣四牡駢駢豈不懷歸王事靡盬
不違將父

懷歸將父母四牡苦駢駢是我心中事君從何事知

南陔孝子

南陔孝子相戒以養也晉束皙補亡

為養還相戒南陔昔有詩都存這箇意焉用補亡為

白華孝子

白華孝子之潔白者也

廉恥有微缺須知孝未純白華何所似所似皎然身

北山大夫

役使不均已勞於王事不得養其父母焉王事靡

鹽憂我父母

非止不得養如憂父母何忍能不我念使我獨賢勞

蓼莪孝子

學海類編 卷之三
民人勞苦不得終養哀哀父母生我劬勞欲報之
德昊天罔極

莫遂終養志難酬罔極恩哀哀父母句腸斷不堪聞

妹土小子

其藝黍稷奔走事厥考厥長肇牽車牛遠服賈用
孝養我父母

勤耕藝黍稷遠賈服車牛奔走何爲者心乎孝養憂

老萊子

年已七十父母猶有著斑斕之衣爲嬰兒戲於親

前

七十已中壽人生似此稀絕憐老萊子猶自作兒嬉

柳下惠

三爲魯士師曰何必去父母之邦

忍於父母國去此欲何之所以柳下惠三爲魯士師

子思

孔子喟然而歎請曰意子孫將忝祖乎伋每以不
克負荷爲大恐子忻然

如何方喟歎乃爾復忻然念汝祖無忝知予道可傳

閔子

子曰孝哉閔子騫人不閒於其父母昆弟之言
又曾子母投杼事

參甯殺人者三至尚逾垣歎息子閔子孝哉無閒言
有子

其爲人也孝悌而好作亂者未之有也涼州易亂
課人課孝經蓋勲謂取怨

其爲人也孝好亂未之聞曾以是取怨無人語蓋勲

曾子

有疾召門弟子曰啓予足啓予手而今而後吾知
免夫小子

全歸有明訓珍重恐傷膚小子啓手足吾今知免夫
子路

見孔子曰今由也累茵而坐列鼎而食願欲食藜
藿爲親負米不可得矣

食藜殊列鼎負米異重茵不待今朝養傷哉昔日貧

子游

問孝子曰今之孝者是謂能養至於犬馬皆能有

養不敬何以別乎

犬馬何以別斯言似太深深言為養者可不敬於心

子夏

既除喪而見孔子與之琴彈之而不成聲作而曰

哀未忘也

為有心中事琴音自不和禮雖弗敢過哀若未忘何

子貢

曰賜也願息於事親又曰大哉死乎君子息乎

又大塊息我以死

未須論大塊以死息乎人所願學賜也始惟息事親

林放

問禮之本子曰禮與其奢也甯儉喪與其易也甯

戚

故甯戚以儉罔或易而奢致得千載下人稱問禮家

樊遲

問辨惑子曰一朝之忿忘其身以及其親非惑與

當知一朝忿必不忍於人豈止身忘卻還應及乃親

闕黨子弟

闕黨之子弟罔不分均有親者取多孝悌以化之也

既漸夫子教罔不有分均何復閒多取齊言彼有親

樂正子春

侍親疾復加一飯則脫然疾愈復損一飯則脫然疾愈

向非親在念念念每精專未必飯加損能令疾脫然

公明宣

學於曾子曰宣見夫子之親在叱咤不至犬馬宣

說之學而未能也

子於親在日叱咤不聞聲既曰見而說應無學未能

孔子黨人

孔子曰吾黨之直者子爲父隱直在其中矣

忍以證羊故而云我直躬那知爲父隱直故在其中

孟莊子

孟莊子之孝其不改父之臣與父之政是難能也

無改父之道直堪以孝稱若論莊子孝此直是難能

孟懿子

學海類編 卷之六 十一 行誼
問孝子曰無違樊遲御子告曰生事之以禮死葬之以禮祭之以禮

不復問無違祇應懿子知尙愁人不省以禮告樊遲

孟武伯

問孝子曰父母惟其疾之憂

父母之愛子心乎惟疾憂可能不自愛而忍使親愁

管仲

曰吾嘗三戰三走鮑叔不以我爲怯知吾有老母也

戰敗不羞走誰爲知我深叔知我有母亮我走時心

晏子

曰使吾父之黨無不樂生者使吾母之黨無不足衣食者

母家合足食父族使安生睦黨可爲孝能之惟晏嬰

晉君子

民從征役不得養其父母父母何怙父母何嘗悠悠蒼天曷其有常

何怙復何嘗銜悲問彼蒼蒼蒼不可問重使我心傷

顧考叔

留羹感鄭莊公母子如初見左傳

茅焦諫始皇

即虛左迎母見史記

茅焦甘伏質考叔請留羹大隧如初樂咸陽虛左迎

魏孝子

役於大國陟彼岵兮瞻望母兮

狄仁傑登山望

雲曰吾親舍其下

念母嗟陟岵思親徒望雲可憐魏孝子不比狄參軍

衛七子

凱風美七子能盡孝道以慰母心

小弁小人之

詩也何以言之曰怨

幾諫勞不怨明明載魯論未應小弁作得並凱風言

石祁子

石駘仲卒卜所以為後者曰沐浴佩玉則兆不沐

浴佩玉石祁子兆

執親之喪者可沐浴其身不待石祁兆知非佩玉人

文氏子

既除喪而越人弔待廟垂涕洟子游曰其庶幾乎

學海類編
卷之
亡於禮者之禮也

服除有弔者待廟至垂淚亡於禮之禮斯人其庶幾

公叔戍

請父諡於君君曰夫子不亦貞惠文乎故謂夫子
貞惠文子

若把夫子論無慙貞惠文不應其子戍至自請於君

靈轍

翳葉餓者趙宣子食之舍其半云欲遺母宣子使
盡之而別具食與其母

翳桑一餓者念念母之存賴有趙宣子能為別具飧

葉公諸梁

后臧從其母于吳不待而歸葉公終不正視

隨母適異國先歸汝忍能致人不正視應是得人憎

伍尙

楚將殺其父奢慮二子為患曰以免其父召之彼
仁必來尙歸死員奔吳

此以父免召彼如仁必來員乎竟何益尙也最堪哀
賈獲

陳大夫鄭師入陳獲載其母妻奔逢陳侯下而授公車與妻扶母奔亦免

扶母猶可免棄君安所之可能共載母忍不授君綏

周紹

趙王謂曰人有言子者曰父之孝子君之忠臣故寡人欲子之傅王子

欲得忠臣者求之孝子門如何傅王子尚復待人言

王孫賈

母曰汝朝出晚歸則吾倚門而望今王走汝尚何

歸賈募人殺淖齒

為齊臣子者此日若無聞獨有王孫賈能知慰倚門

扶蘇

趙高詐為書賜扶蘇死蒙恬疑之欲復請扶蘇曰

父而賜子死尚安復請

父賜子以死君侯安所疑忍哉指鹿相無復祖龍知

丁蘭

至孝刻木為母像事之如生蘭婦誤燒木母面應時髮落如割

學海類編 卷之五 行誼
一靈長皎皎如月不離天要以純誠感非因刻像然

韓伯瑜

母杖不痛哀母力弱對母悲泣梁彥先使焦通觀其像通感悟盡孝

母力今衰矣悲啼得杖輕流風存繪畫猶足感焦生

酈寄

與呂祿善周勃刳其父商使寄給祿出游勃乃得入北軍

直以刳父故蒙他賣友名閒將誅呂論非勃亦非平

賈誼

治安策曰借父耰鋤慮有德色母取箕箒立而諄語

諄言取箕箒德色借耰鋤不是賈年少還能痛哭無

馮唐

以孝著爲郎中署長文帝輦過問唐曰父老何自爲郎

知以孝行著還應不問唐可憐止輦問何自得爲郎

韋孟

楚元王傅及王戊淫亂孟去位徙鄒作詩諷諫又
曰既去禰祖惟懷惟顧

去王猶諷諫懷祖重傷情誰識有韋孟人惟說穆生

田叔

景帝令按梁事還曰有之無以梁事爲問也太后
食不甘味此憂在陛下

勿以梁事問將遺太后憂若非叔長者誰爲帝忠謀

石建

建爲郎中令已老白首每歸洗沐卽竊取父奮中

裨親自浣滌不令父知

服勞曾是孝那更委諸人建已老白首中裨滌必親

董仲舒

令州郡舉孝廉自仲舒發之後爲江都相

漢有孝廉舉誰知發仲舒可憐三策罷卻去相江都

司馬遷

父沒執手泣曰毋忘吾所論著卒三歲遷爲太史

紬石室金匱之書

悲哉執手泣論著謹毋忘豈識遷他日能令石室藏

嚴君平

賣卜成都市與人子言必依於孝

賣卜有深意何必避市喧若逢人子問依孝與之言

霍去病

縣吏仲孺私生以驃騎擊匈奴過平陽拜仲孺曰

不知爲大人遺體

不蚤知此體元來托大人低頭拜縣吏誰擬霍將軍

雋不疑

爲京兆尹每錄囚母問多有平反卽爲喜笑故不

疑嚴而不殘

不疑固嚴吏如不順親何圖得母喜笑平反敢不多

杜延年

父周爲御史大夫延年居父官府不敢當舊位坐

臥皆易其處

怪來御史府坐榻不如初曾是父坐處而爲子敢居

疏受

廣之兄子廣謂受曰知足不辱豈如父子歸老故

鄉乎受曰從大人議

豈如吾父子歸老故鄉身一聽知足誨欣然從大人

王陽

爲益州刺史行部至九折阪歎曰奉先人遺體奈何數乘此險遂以病去

禮經稱孝子不服闔登危所以九折阪回車不敢馳

貢禹

上疏曰諄逆者貴於官故俗皆曰何以孝悌爲今宜貴孝悌則天下自治

安用孝與弟今人諄得官一聞陽在位自是合彈冠

王式

曰臣以詩朝夕授王至於忠臣孝子之篇未嘗不流涕反復爲王陳誦也

三百五篇內凡言忠孝人未嘗不流涕反復爲王陳

韋元成

兄宏前坐罪元成當襲封知非父賢意乃佯狂後選爲淮陽憲王傅

淮陽誰可傅無以易元成卽汝佯狂意爲王言事兄

楚孝王

聖海類編 卷之六 行誼
詔曰王孝順仁慈之國以來二十餘年織芥之過
未嘗聞朕甚嘉之

一自王之國于今二十年了無織芥過都是孝慈然

原涉

廬墓三年大治冢舍表曰南陽阡人謂之原氏阡
所當約于己豈忍儉於先道立南陽表人呼原氏阡

薛修

為臨 令兄宣為丞相迎母修留不遣

邑令直微耳爭如相國榮可憐留母養不忍聽兄迎

陰子方

至孝臘月晨炊而竈神形見子方再拜受慶因祀
以黃羊由是暴富

祀竈令人富相傳陰子方安知由至孝非在薦黃羊
楊子

不可得而久者父母之謂也是故孝子愛日
不可得而久其惟父母乎諄諄愛日語楊氏豈欺予

東海王彊

母部后廢彊戚戚不自安願備藩國贊曰遜而知

廢為吳太伯

史以太伯比斯評恐未真我知東海意不忍母他人

鄧禹

事母至孝雲臺功臣之次立為第一

功臣三十一劍佩靄雲臺第一人知否曾聞孝母來

竇融

少孤事母孝與隗囂書云為忠甚易璽書賜融謂

欲三分鼎足宜以時定

璽書來萬里鼎足許三分解道為忠易誰知以孝聞

馬援

戒子曰欲汝曹聞人過失如聞父母之名耳可得

開口不可得而言也

惡言出於口必至反其聲小子聞人過當如聞父名

樊宏

父重遺令所假貸民間數百萬悉焚削文契債家

聞而慚爭償之宏不受

能捐數百萬不聽債家償要自父一語銘心不敢忘

耿國

學海類編 卷之三
國當嗣父封上疏以父況愛少子霸因自陳讓
封侯誰不願顧我獨何心為憶父所愛偏於少子深

張湛

望縣門步進曰父母之邦所宜盡禮或議其詐笑
曰人皆詐惡我獨詐善

下車父母國自重豈其輕謂我詐為善何憂被此名

馮豹

後母屢行毒害敬事愈謹疾之愈深每奏事伏省
閣帝使黃門持被覆之

中人持被覆尚得帝恩深子職竟何是終求慰母心

孔奮

奉母極求珍膳躬率妻子同甘菜茹為時人所笑
以身處脂膏不能自潤

甘同妻菜茹極奉母珍羞一任時人笑脂膏不自謀

伏湛

父理為當世名儒別自名學湛性孝友少傳父業
教授數百人

向來父學顯別自以家名不是能傳業如何著孝名

鄭敬

鄧惲謂曰子將爲伊呂乎巢許乎敬曰幸得奉墳墓雖不從政是亦爲政

幾曾慕巢許非是薄伊周何忍舍之去先人有墓邱

古初

鄧惲爲長沙太守長沙有孝子古初惲卽以爲首舉

長沙有孝子姓字死猶香料得郡舉首他無人敢當

江革

負母逃難數爲盜劫去輒求哀得免後歸鄉里每自爲母輓車時稱巨孝

輓車極勞苦逃賊最閒關太息江巨孝能爲人所難

蔡順

拾葚黑者奉母母思順心動棄薪還伏母棺火越他舍母畏震雷輒園墓

賊疑拾葚異母怪棄薪還雷震輒園冢火飛因伏棺

姜詩

妻汲供母後時遣去遺母珍羞復還兒溺答母游

學忽泉湧躍鯉供母膳

日常供鯉鱠日輒汲江流兒溺言遊學妻還感珍羞

郭巨

恐母減食與其子欲埋之掘坑得金一釜上云天
賜孝子郭巨官不得取

為養甯埋子那知地有金如何有天賜且復怕官侵

班固

著幽通賦曰懿前哲之純淑兮咨孤矇之眇眇兮
又作敘傳述班氏之先

前列知純淑孤蹤愧眇矇果能筆叙傳不枉賦幽通

劉平

負母逃難恐弟絕類抱弟女棄己子 鄧伯道負

弟子避賊縛其子於樹上

弟類那容絕吾雛聽自生劉平端為母伯道特沽名

郭基

為京兆督郵班固薦於東平王蒼謂基孝行著於
州里蒼納之

豈伊東閣裏無似督郵賢直把孝行薦今人少孟堅

廉范

年十五與客自蜀步負父喪歸京兆後爲蜀守民
歌曰昔無襦今五袴

親喪徒步負萬里歷岷峨何事今人說惟知襦袴歌

鄧彪

少修孝行讓國于異母弟鳳顯宗高其節許焉

又曹子建詩

讓國異母弟如彪正自奇今人有同產煮豆且然其

張歆

歆守皋有執父仇賊歆破械縱之遂棄官亡命

范曄謂其報仇逃亡

去官因脫囚爲感戴天讎史氏乃失實卻云逃執仇

清河王慶

上書曰乞以臣骸骨下從貴人於樊濯庶母子魂

靈有所倚依

乞以臣骸骨下從樊濯原生雖闕親養沒擬報私恩

魯恭

性至孝與及母弟丕俱居太學習魯詩爲諸儒所

稱學士爭歸之

可能來太學即得譽諸儒豈以習詩苦應云與母俱

黃香

事父竭力致養暑則扇枕寒則以身溫席京師號

曰天下無雙江夏黃香

冬月常溫席炎天每扇牀如何漢天下只有一黃香

樂恢

父親為令所收恢年十一俯伏縣門晝夜號泣令

矜之為出其父

父今為令繫號泣不停聲彼令亦人耳而甯不我矜

仲長統

著論曰倘親有兼珍之膳豈羨夫入帝王之門以

揚名立身哉

羨入帝王門揚名與立身何如養親膳每日得兼珍

薛苞

父娶後妻憎苞出之苞號泣廬於舍外旦入灑掃

歲餘父母慚而還之

所懼子不孝何愁父失慈涕流分出日天定感還時

張霸

年數歲知孝讓舉動自然合禮人訝其小能如此
曰我饒為之故字伯饒

幼也知孝讓居然合禮儀休疑汝尚小須信我饒為

寶章

蓬戶蔬食躬勤孝養講誦不輟時稱東觀為蓬萊
山鄧康薦章為校書郎

蔬食可堪貧勤哉孝養親蓬萊知不遠應是著斯人

蘇不韋

父謙為李暲掠死不韋掘暲父冢時譏其讎枯骨

郭泰謂優於伍員

要使生者毒休譏枯骨讎看他郭泰論比似伍員優

郭林宗

性至孝范滂稱之曰隱不違親貞不絕俗天子不
得臣諸侯不得友

不願諸侯友那容天子臣貞乎甯絕俗隱也不違親

蔡邕

性至孝母嘗滯病三年邕自非寒暑變節不解襟

帶者

自非易寒暑未始解衣襟不謂母疾久三年惟一心

楊震

種藍養母諸生有助其種者輒拔去鄉里稱孝又

不受金以畏四知

尚自畏四知於親豈忍欺種藍有助者拔去不妨奇

姜肱

肱與弟俱為賊所劫將烹之肱曰季江父母所憐

請殺己季江復願代兄

鼎鑊皆知避何心願代烹恐傷父母意不獨弟兄情

陳元方

事親至孝豫州刺史以孝聞天子為之圖像百城

以厲風俗

如何百城內一一畫元方勸孝賢刺史觀風職所當

茅容

字季偉郭林宗見其殺雞意謂為己設既乃獨奉

母自以飯蔬與林宗食

雞乃為母設蔬惟與客同賢哉茅季偉誤矣郭林宗

范滂 遭黨禍恐母流離不忍逃曰滂從父黃泉願子曰
欲汝為善則我不為惡

甯將身塞禍不忍母流離我自不為惡黃泉今有辭

鮑永

事後母至孝妻嘗母前叱狗永即去其妻

禮經條七出叱狗不言焉一旦鮑妻去那知在母前

仇覽

為蒲亭長化陳元為孝子民歌曰父母何在在我

庭化我鷓鴣所生

蒲亭一長耳何許得歌聲化為鷓鴣類而今哺所生

趙咨

有孝行盜嘗夜劫之咨恐母驚乃先至門迎謝盜

慚奔

賊來那可邇而敢以身迎身豈不知愛心乎恐母驚

鄭康成

家貧假田播殖以為親養時稱為純儒齊魯聞宗
之

學海類編 卷之二 不詳
播殖爲親養家貧至假田焉知後學者盡喚作儒先

李曇

養親樂道終身不仕名與徐孺子事海內列名五

處士焉

養親還樂道不仕至終身海內稱高士非專鄉里人

徐季登

南州高士徐孺子之子篤行孝悌服闋隱居不仕

南州徐高士姓字滿東都有子篤孝行終喪竟隱居

周燮

有先人草廬結於東岡燮守之曰我不能追綺季
處巢穴屢徵不起

未能追綺季且復守東岡爲有先廬在他山忍遁藏

王修

七歲母以社日亡來歲鄰里社修感念母哀甚鄉
里爲之罷社

去年今社日撫事倍酸辛罷社爲兒泣鄉鄰定何人

徐庶

辭先主曰老母見獲方寸亂矣 王陵母曰爲語

學海類編
陵母以老妾故持二心

不勝方寸亂豈暇二心持忠矣王陵將賢哉徐庶辭

孟宗

母冬月思筍宗入竹林哀泣筍為之生

萬象死灰色千林號怒聲何人苦哀泣凍竹強抽萌

顧悌

仕吳為偏將軍每得父書跪讀之每句應諾 又

孝子聽於無聲

地遠隔親而惟憑一紙書句終輒應諾直是聽於無

陸績

六歲見袁術懷橘墮地術曰陸郎作賓客而懷橘

悲若乎曰欲歸遺母術奇之

陸郎作賓客懷橘欲何為遺母當然事袁公乃爾奇

李密

祖母劉年九十六謂報劉之日短又言為人子者

願為人兄事親之日長

事親苦日短為子願為人兄懇懇報劉語令人涕泗橫

王和嶠

王戎居喪飲酒哀毀特甚嶠禮法自持不能逾戎
劉毅謂嶠生孝戎死孝

要以禮法論休言哀毀同但觀生和嶠定勝死王戎

王哀

讀書至蓼莪篇輒流涕門人爲廢此篇 廬墓悲

劉頌號淚著柏樹樹爲之枯

悲哉生我句奈此念親何墓側有枯樹詩中無蓼莪

荀何

晉何曾荀顛俱有孝行傳元稱之曰古稱曾閔今

有荀何

古稱有曾閔今復見荀何爲孝一而已能行無甚過

王祥

母冬月欲生魚祥解衣將剖冰雙魚躍出母命守

月柰每風雨屺抱樹泣

風柰應難守冬魚未易求剖冰不辭凍抱樹不勝愁

祖納

性至孝少孤嘗自炊爨以養母

視膳子之職何須自執炊閒將心比竝合是手成持

丁儀子

陳壽覓千斛米為儀作傳子不與 爾朱文略大遺魏收金請為父傳

尚自不與米何堪大遺金丁儀為有子文略是誣親

范宣

十歲嘗以刀傷手捧手改容人問痛耶曰受全之體而致毀傷不可處耳

手直微傷耳如何忽改容不能全所受此痛政無窮

戴逵子

戴騶與兄勃竝受琴於父逵父卒不忍奏與兄各造新弄竝行於世

戴琴妙一世二子得其聲不忍遺音奏各將新弄行

趙至

兒時從帥授業聞父叱牛聲投書泣曰我小未能榮養使老父不免勤苦

莫致兒榮養翻令父苦耕可憐廢書泣不忍叱牛聲

陶侃

每飲酒嘗歡有餘而限已竭佐吏等勸少進侃曰

亡親曾見約故不敢逾

陶公宴參佐限極每歡餘憶與亡親約淒然不敢逾

桓冲

小字買得郎母病須羊以解以身質羊後為江州

刺史

不辭身作質只為母須羊此日江州牧當年買得郎

盛彥

母失明婢伺彥出以蟻螯炙飴母彥抱母勸哭絕

而復蘇母目豁然即開

既知為異物號泣絕還生未有蟻螯炙翻令母目明

王延

後母令冬月求魚不得杖之流血延叩冰哭有魚

躍出母悟撫之如己子

酷矣杖流血奇哉魚躍冰能令母心悟不異已親生

褚德逸

庾袞字叔褒鄰人褚德逸善事其親至老而不倦

袞見母拜之

至老能無倦真為善事親叔褒非佞者何事拜鄰人

導之子有高名事親色養諸子莫及導見之輒有

喜色

色養傾餘子高名重一時足為丞相喜豈計外人知

許孜

有孝行鴈雉棲其梁鹿虎擾其庭交頸同遊不相

搏噬所居號孝順里

能感猛鷲類都無搏噬心同遊至鹿虎共宿有鳩鷹

卞壺

壺拒蘇峻戰死二子眡盱相隨赴賊翟湯歎曰忠
孝之道萃於一門

父雖得死所兒豈望生存忠孝古難得於今萃一門

皇甫謐

遺令平生之物皆無自隨惟齋孝經一卷 馮亮

遺戒手執孝經

盡棄平生物惟齋一孝經死猶不忘孝臨沒苦丁甯

郭原平

以耕者於父母墓前裸袒為慢乃貴買此田束帶

垂泣躬自耕鑿

忍向父母墓前頭裸袒耕農時每束帶猶自泣原平

王銓學業不及弟錫而孝行齊焉時人稱為金昆

玉友

要以孝行舉甯將學業論錫無慙玉友銓可謂金昆

樂頤之

嘗病與母隔壁忍痛不為呻吟之聲嚙被至碎恐

母之哀己也

痛殊未易忍絕不一呻吟豈復知身疾惟愁戚母心

何子平

以俸米易粟麥日尊老在東何心獨享白粲珍肴

不可寄母則不受

于祿本為養資身豈所安珍肴與白粲雖美若為餐

解叔謙

母病有老父遺丁公藤因失所在有童子持蚺蛇

膽授顏含忽不見

膽醫顏母疾藤療解親風忽不見童子俄然失老公

學海類編

孝詩

三

行言

王秀之

遺令世人以僕妾直靈助哭當由喪主不能純至
欲以多聲相亂耳

一事真堪笑令人妾直靈都緣無至性徒欲亂多聲

謝瞻

年數歲所生母微賤得疾畏驚一家尊卑感瞻至
性咸為納履行屏氣語

一家感兒孝不欲使親驚盡作屏氣語咸為納履行

謝朓

朓莊之子超宗鳳之子明帝嘗敕二人自鳳莊門
入超宗趨往朓不肯入

直以父名戲其為君命同朓能禮自守似是勝超宗

古成詵

以風教自任時韋高慕阮籍為人居喪飲酒詵泣
曰吾當手刃之

禮豈為吾設如傷風教何不堪希阮籍直欲刃韋高

謝父去華寶

入歲晉末父戍長安謂曰須我還為汝冠後長安

陷寶年至七十不婚冠

憶父去時語爾來七十秋終焉不忍冠灑淚望秦州

宗元卿

祖母病元卿在遠輒心痛大病則大痛小病則小

痛

異哉宗子孝親疾遠關心每念痛大小因知疾淺深

劉苞

事嫡母朱氏及所生母陳氏於扇席溫枕

扇席更溫枕古人誰與同一心奉二母自是勝黃童

劉靈哲

母病夢神與藥驚覺得於枕閒 宋瓊母秋季思

瓜瓊夢見求之遂獲

誰言夢想裏所見總空花靈哲枕閒藥宋瓊秋季瓜

劉巘

號正簡先生齊高帝召問政道答曰政在孝經

先生天下士偶迫詔書行勿謂無奇對惟言在孝經

王僧孺

五歲初讀孝經謂授者曰我願常讀之

孝經雖始教何但習於初欲得如兒願常常讀此書

江泌

痛不逮養親以菜心有生意不忍食所食惟老菜
菜心且不食親意一何深爲爾有生意存我不忍心

庾道愍

少失所生母尋至交州入一村中見一嫗負薪心
動訪之乃其母也

交州一村裏有嫗負薪行萬里庾道愍心知爲所生

張冲

父遺命祭我必以鄉土所出後牧青冀常還吳國

取菓菜流涕薦焉

未嘗無果菜何至取吳中祭我必土產遺言敢不共

顧歡

有孝行人有病者歡令取孝經著病人枕邊果愈
枕邊何所有一卷仲尼居無處覓盧扁應當寶此書

江淹

採薪養母於樵所得貂蟬將鬻以供養母曰此汝
休徵留之後果爲侍中

賣薪圖養母何許得貂蟬知在採薪處庸非吉兆然

庾黔婁

父在家病黔婁忽心驚即棄官歸醫云嘗糞可知
差劇婁取糞嘗之

驚心已云異嘗糞不妨難庾令何為者憑君著眼看

庾域

母好鵠唳域營求不怠忽雙鶴來下 戴良自據
地作驢鳴以娛母

惜哉戴良誕賢矣庾域誠真能感鶴唳何至學驢鳴

任昉

父遙性喜檳榔昉終身不嘗 曾哲嗜羊棗而曾
子不忍食

哲常嗜羊棗遙亦喜檳榔參至不忍食昉甯能獨嘗

陸襄

釋服猶若居憂終身蔬食布衣五十年 又楊惲
云送終有時而既

憂居五十載陸子最堪悲惲獨非人子而云有既時

褚翔

有至行母病祈禱中夜聞空中彈指聲及旦疾愈
謹母昧方寸是處有神明夜半爲親禱空中彈指聲

徐孝克

每侍宴無所食噉帝後察其欲遺母敕自今孝克
前饌竝許將還

自今所賜饌特敕許將還爲爾心向母君前無所餐

阮孝緒

母病須生人參孝緒躬歷幽險累日忽見一鹿隨
之至鹿滅處得參

覓參不可得忽感鹿前行行到鹿滅處元來此地生

袁君正

數歲父昂疾晝夜侍奉家人勸令暫臥君正曰官
既未差眠亦不安

家人勸我眠共說不眠難官既未得差眠時自不安

皇侃

性至孝日限誦孝經二十篇以擬觀世音經

儒釋本同途遺經非爾殊未應普門品勝似仲尼居

吉玃

丹陽尹以其求代父命欲舉純孝曰何待玠之薄
因父買名一何其辱

父身如可代子死乃其情尹待我何薄而將此買名

吳明徹

父未葬勤力耕種天旱苗枯明徹之田中仰天號
訴苗更生秋大熟

苗枯親未葬號泣日于田誰謂竟不雨而能獨有年

徐份

父陵疾篤份焚香涕跪誦孝經晝夜不息如是三

日父疾豁然而愈

父疾雖云篤如何豁爾平孝經惟泣誦晝夜不停聲

雷紹

少習騎射後辭母京師從學嘗讀書至人行莫大
於孝感嘆還鄉里侍養

行莫大於孝其如違養何只消一句子安用讀書多

楊悃

幼喪母其舅源子恭與飲問誦詩曰誦至渭陽未
悃便號泣

涓陽曾讀未對飲偶言詩舅作此詩語兒那能不悲

趙炎

以國禁積四十年不得越關葬二親於舊兆自痛
恨惟食麥至絕鹽味

禮稱親未葬喪服不除焉食麥斷鹽味非哉四十年

寇祖訓

父母雖久亡猶於所處設幃帳嚴奉如平生 曹

孟德銅雀遺令

必如寇祖訓如不死其親孟德空遺令不乎真罪人

王崇

以孝稱風雹至崇田畔便止禾麥並無損落及越

崇田風雹如初

風雹忽止處禾麥獨依然料得天公意知爲孝子田

房景伯

爲清河守召不孝者觀己事母其人愧求去不許
日雖顏慙心未改

元子華

母夜飲還大吐人謂中毒子華掬吐盡噉之母心乃安

未必食有毒人言疑似閒不辭噉母吐圖得母心寬

劉獻之

誨學者曰百行殊途要以孝為首倘不能然雖下

帷躡屨竟何益乎

百行孝為首諸人倘未知下帷空自苦躡屨竟何辭

雀道因

母賤諸兄逼其母持炙致賓前道因驚接謂客曰

老親自執劬勞

是誰迫我母持炙致諸賓驚起自接取云賓此老親

于仲文

九歲周太祖問曰聞兒好讀書書有何事對曰資

父事君忠孝而已

讀書無見處與不讀書同勿謂兒年小能知孝與忠

李賢

從師學或譏其業不進答曰豈能領徒授業至如

忠孝之道實銘於心

誰知學進處不在好爲師好把銘心底分明說與伊

李崇

以父勲封侯泣下曰無勲於國幼小封侯當報主恩恐不能終于孝養

侯封何爾泣兒幼乃無勲恐莫終親養應將報主恩

李自謙

少孤未嘗飲酒食肉絕口殺害之言 陸襄親沒

終身不敢言殺害

殺生非孝也人未必云然絕口殺害語君看自小年

文中子

汾水曲有先人之敝廬在有田可以具饘粥彈琴著書不願仕也

先人舊所理汾曲有田廬何意求聞達彈琴自著書

房元齡

以孝稱父彥謙謂曰人皆因祿富我獨以官貧所遺子孫惟清白耳

人皆因祿富我獨以官貧佩父清白訓爲唐第一人

陳叔達

御前賜葡萄不食曰臣母病渴願欲以遺母帝喟然曰卿有母遺乎

葡萄歸遺母所嗜固應思卿乃有母遺誰知此語悲

韋陸

韋承慶被後母笞弟嗣立解衣求代 陸景融見

兄蒙先被杖輒自楚悟母

不悟以身諫惟恐失母慈景融常自楚嗣立每求笞

狄仁傑

求代鄭崇質使絕域以鄭母老疾 宗元願以柳

易播曰夢得親在堂

狄請使絕域柳甘易播州為憐劉母在深恐鄭親憂

崔元暉

至孝母戒以從官有人來云貧乏是好消息富足

是惡消息

若為從官好不異在家貧忍以惡消息而令戚我親

李迥秀

母氏庶賤妻崔氏嘗詈媵婢母聞之不樂迥秀即

出其妻

生我者為母無緣貴賤分不思罵婢語何可使親聞

韋虛心

父維為郎時時柳於庭及虛心居省郎對之輒斂

容

父居郎省日蒔柳向庭中對柳如對父那能不斂容

歐陽道

居喪詔奪哀每入朝徒跣及門夜直席藁以寢還

家輒號慟

夜直藉藁寢入朝徒跣行誰知迫明詔可惜欠陳情

劉韋之

相王府相帝謂曰卿家忠孝朕子賴以師矩冀蓬

在麻不扶自直

卿家著忠孝朕子賴師模蓬在麻中直多應不待扶

韋景駿

有母子相訟者景駿曰余少不天嘗自痛極爾幸

有親而忘孝耶

嘗抱罔極痛嗟余少不天汝今幸有母不省汝何然

張九齡

至孝居父喪哀毀庭中木連理居母喪尤不勝哀
有紫芝生坐側

連理庭中木叢生坐側芝未嘗聞孝感一一有茲奇

顏真卿

以孝稱祿山反獨真卿城守帝曰朕不識真卿何
如人所為乃若此

祇是見忠節何曾省孝誠唐宗休歎息猶未識真卿

韓思復

封長山縣伯明皇親題其墓曰有唐忠孝韓長山

墓

向來曹孟德曾擬表征西那得忠孝字金書作墓題

崔縱

以母事其父嬖妾妾剛酷雖縱顯官而數笞詬縱
率妻子承候顏色不懈

直以母事妾祖云父所安可憐遭楚毒加意更承顏

崔沔

母亡受弔廬前賓客不至柩室曰平生非至親不

入謁豈以存亡廢禮

憶昨升堂拜何曾有雜賓事亡忍廢禮不復問疏親

李父運商南賓客不至州宰曰平心非至縣不

兄弟孝謹至甚又俱以文章自名兄弟共為一編

前以號李氏華萼集

俱以文章顯無慙孝謹稱弟兄同一集華萼著嘉名

裴子餘

諡曰孝張說歎曰此諡可無愧矣

直以孝為諡真無愧此心可憐張說歎知得子餘深

李勉

江西觀察使部人有為父病厭蠱者書勉姓名埋

之勉曰是孝子也不誅

不誅人厭己而恕子祈親賢哉李觀察今無復此人京

陽城

語諸生曰學者所以學為忠孝諸生有久不歸省

者乎明日請歸者二十人

學者學為孝諸生欠講名謁歸二十輩母乃為陽城

段秀實

號孝童朱泚為逆以秀實失兵柄恨憤遣騎迎秀

實奪笏擊泚以死
意其失兵久怏怏必吾從奪笏直前擊那知是孝童

李晟

少孤事母孝後平朱泚復京師贊曰身佩安危
簡是一孤兒曾聞事母時身能幾許大卻佩國安危

元德秀

字紫芝家貧舉進士不忍去母左右自負母入京

師

進士能母舉慈親可忍離紫芝亦良苦負母入京師

穆甯

戒子曰孝子事親養志爲大我志直道而已苟枉
道三牲五鼎非吾樂也

倘非親所樂至枉道而行雖以三牲養難辭不孝名

侯程

廬墓哭泣無節侯知道七年程俱羅三年不止李

華作二孝贊

三年天下共何爾獨終身無處著深痛何心求過人

李唐

見肅宗抱幼女謂唐曰吾念之卿勿怪也唐曰上皇思見陛下計亦如此
吾念卿母怪難拋膝下兒好將南內意說與肅宗知

韓滉

當列戟以不欲壞父時門第而止不許增堂廡曰先君容焉我奉之而已

謹勿第門壞那容堂廡增父猶足乎此我願莫之承

賈直言

父道冲坐事賜鳩直言給取鳩代飲迷而踣明日

史書毒潰足出久乃蘇

幾曾聞飲鳩有不隕其身那得獨全活天應知代親

李景讓

蔣仲酌酒曰有孝於家忠于國者飲此景讓起卒

爵伸曰無宜於公

既爾家能孝還于國盡忠誰宜舉斯爵知是莫如公

韓愈

答元稹書甄逢能顯其父俱當得書董生行云刺

史不能薦天子不聞名

未有逢之孝而公不用情大書甄濟傳更作董生行

答柳宗元

書先友于父碑陰皆當世聞人中說載隋唐名臣

或云福疇所集

乃翁定奇士先友盡斯人疇所知已故儀曹意轉新

甄逢

以父濟名不在國史欲詣京師自言元稹為移書

韓愈又袁滋表贈濟官

史書良為稹稷詔知因袁足使濟不朽何堪逢之言

董召南

讀書躬耕以養父母韓愈董生行云爵祿不及門

惟有吏來徵租更索錢

躬耕復樵漁養親還讀書不聞官賜帛惟見吏催租

李興

有至行柳子厚為作孝門銘曰引刃自向殘肌敗

形羞膳奉進憂勞孝誠

割股如為孝還應載聖經莫明柳子意因其取殘形

何蕃

事父母孝入太學歲一歸父母不許二歲亦不許
凡五載慨然指諸生去

五載莫歸省雙親孰問安固云親有命不謂我何顏

鄭潛曜

母疾亟為書丐以身代母火書而神許二字獨不

化翌日母愈

願以身代母書焚上徹天若非神許我未必字依然

裴敬彝

母病醫許仁則甦不能乘敬彝自願為輿往迎仁

親命懸醫手敢將親命輕為輿不辭往重母故身迎

張志寬

為里正忽詣縣稱母疾求歸曰母有疾志寬輒病

令馳驗如言

何忽省母病每因身疾知可憐張里正尙得令君疑

趙隱

為相退朝侍養如布衣嘗侍母觀御宴隱率百官

拜恩於庭回班候起居

至今說花縣當日奉潘輿未必若趙母回班候起居

至今傷路隋
父沁陷虜隋尚嬰孺及長日夜號泣母告以其貌
酷類父終身不引鏡

兒貌酷類父母知兒不知何堪引鏡照正復益兒悲

李訥

宰相楊收欲市訥穴舍以廣第訥叱曰先人舊廬
為權貴優笑地耶

先人敝廬在觸目百悲辛忍作優笑地圖娛權貴人

許孝謹

甫三歲母病不飲乳有憂色或以珍餌悅之不食
還以進母

既不忍飲乳還能知奉親何曾自人教端是出天真

柳玘

戒子曰名門子孫稍有纖瑕十手爭指生雖苟祿
死何面目見祖先地下

名門難為子纖瑕即辱身直須留面目他日見先人

韋溫

疾病召親屬賦父綬詩在室愧屋漏因泣曰今知

汝身不負斯語矣婦姑盡室則氣滿四鄰曰今時
常恐愧屋漏追懷在室詩可憐忍死誦不負乃今知

各門林攢林攢建德縣人前除留而日與日具其人

為福唐尉棄官侍母疾廬墓降甘露詔立雙闕又
表其廬時號闕下林家建德十年詩云雙闕

七閩獨莆郡雙闕鬱相望豈識林孝子曾來尉福唐

釋迦右賢者之孝二百四十首自人終歲日出天與

釋迦

欲入涅槃遣弟子昇天報母母至從棺湧出為說

母子恩情今日別離

入般涅槃際拳拳報母知從棺更湧出為母說分離

老子

送孔子曰為人子者無以為己

子之於父母母以其身老子元虛祖諄諄此語人

孝悌王

有真人下降兗州孝子蘭公之家曰吾居斗中為

孝悌王

七星明歷歷萬古仰煌煌誰識斗宮內中居孝悌王

拔母生天故世人以七月十五日設蘭孟會

能將身入地拔取母生天歲歲蘭孟會今猶說目連

許真君

鄉舉孝廉後得仙蘭公云傳孝道之宗為眾仙之

長

鄉以孝廉舉仙為孝道宗謂予言不信君請問蘭公

吳真君

年七歲夏月伏身父母牀下不驅蚊日恐去己而

噬親也

何事不驅蚊癯然牀下身傷膚非所懼所懼去傷親

六祖

新州人常賣薪養母後傳五祖衣鉢

新州在何處有箇養親人一旦成佛去那知昔賣薪

睦州

禪家呼為擔板漢每閉門自織蒲鞋以養母

捨俗還將母禪關晦迹深共呼擔板漢誰識織蒲心

蘇仙公

得仙道白日上昇留一空櫃與母曰若有所需敲櫃即得

世傳蘇氏子白日去登仙念母留空櫃敲時即得錢

寒山子

每見人家烹宰羊豕即曰煮爾爺煮爾娘

鍋裏爺娘語寒山太猛生不妨時著眼直是得人驚

右仙佛之孝十首

辟司徒妻

齊師敗問曰君免乎銳司徒免乎曰苟吾君與我

父免可若何

君父今安在諄諄免矣乎可憐齊女子不問辟司徒

雍姬

謂其母曰父與夫孰親其母曰父一而已胡可比

也

可憐姬告母父孰與夫親能置此一問未為愚婦人

王衛女

父母終思歸甯而不得悲彼泉水亦流于淇

歸甯不可得何以寫吾憂不似肥泉水悠悠淇上流

北宮女
至老不嫁養父母趙后問齊使曰此女不朝何以
王齊國子萬民

妾身期不嫁至老養雙親何以趙威后殷勤問使人
秋胡之妻

薄其夫與道旁桑婦金不以奉母曰妾不忍見不
孝不義之人

妾面羞君面君心異妾心那能不念母卻遺別人金

趙津吏女

簡子欲殺其父乞以身代簡子賢之欲以爲夫人
辭以親在

倘得代父死誠非愛妾身不圖君聘妾向道有嚴親

如姬

公子無忌爲如姬報其父仇如姬之欲爲公子死
無所辭

底事能令妾爲君死不辭不思君遣客報妾父讎時

緹縈

父淳于公有罪當刑縈上書乞沒爲官婢贖父罪

文帝悲憐之詔除肉刑上書乞免仁矣文皇詔悲哉少女書至今民受賜非但活淳于

陳孝婦

其夫遣戍囑曰吾若不歸汝善養我母夫死戍所竟不嫁終養姑

妾昔與夫別夫曾共妾言忍能幸夫死不復願姑存

東海孝婦

事姑甚孝而姑女誣告殺姑獄具竟論殺郡中枯旱三年

如何殺一女能致旱三年婦孝無知者知之惟老天

曹娥

父盱為巫溺死不得屍娥亦自沈縣為立碑蔡邕題八字謂絕妙好辭

上虞一巫女名乃至今垂端的由純孝非專在好辭

孔融女

七歲父先為曹操所殺女臨刑曰若死者有知得見父母豈非至願

不憂身即死惟恐死無知儻得從父母甯非我所期

梁夫人怒不無賦對翁對父母留非姓取照
訟父竦冤詔改殯恭懷后追封竦褒親愍侯仍徵
還嫗母

能返母萬里還榮父九原可憐帝有母亦自待人言

宣文君

父宋躬傳以周官曰汝可受之宋氏後傳授諸生

號宣文君

難把父書讀祇因手澤存遺言如可受忍使世無聞

宛陵女子

母夜為猛獸所噉女攀母持獸行數里獸毛盡落
置其母去

異哉一女子獨抱母啼號非但脫虎口還能落獸毛

盧元禮妻

元禮卒事姑以孝聞詔號曰貞孝女宗

貞孝諡已美何堪復女宗一朝下明詔千載被流風

木蘭

古樂府云阿爺無大兒木蘭無長兄願為市鞞馬

從此替爺征

謹勿悲生女均之有至情縈能贖父罪蘭亦替爺征

鄭義宗妻

盜夜劫其家冒刃立姑側為盜摔捶幾死竟不去
抵死侍姑側甯知有妾身若懷白刃顧尚得謂之人

李孝女

安祿山亂被劫徙他州聞父喪從閒道奔喪既至
父已葬廬墓終身此大丈夫事誰云一婦人
奔喪脫賊手廬墓至終身此大丈夫事誰云一婦人

崔氏婦

崔氏事姑孝姑病召長幼言我無以報婦但願婦
子孫皆若婦孝

姑今病且死頗愧婦恩深但願婦有子皆若婦用心

右婦女之孝二十首

東夷大連少連

孔子曰大連少連善居喪東夷之子也

大連少連者夫子筆之書誰謂東夷子而於喪善居

若鞮單于

匈奴謂孝曰若鞮稱若鞮單于王奔改匈奴單于

為恭奴單于

漢語雜胡語堪嗤莽太愚安知若鞮字已是孝單于

休屠王子金日磾

降漢牧馬甘泉宮見母像泣拜後受遺詔輔政

牧馬一胡兒如何卻受遺多因漢宮裏泣拜畫闕氏

西羌東吾

以父滇吾降漢乃入居塞內謹愿自守

循循祇自守何獨此羌然直以父在漢忍將身犯邊

號存

章和二年將其母及種人八百戶自塞外來降
如何降塞下不復戀羌中既是能將母還應知向風

百濟王扶餘義慈

事親孝與弟友時號東海曾子

夷方雖爾異天性本然同自昔聞曾子如今在海東

扶桑國

親喪七日不食設座為神像朝夕拜奠

不食至七日能將禮自居既然嚴設像亦復奠朝脯

吐谷渾葉延

父爲羌所刺葉延縛草爲人射之母曰賊已屠膾
矣何益
父讎已屠膾射草復何爲豈不念無益其如同極悲

回紇

郭子儀單騎見虜傳呼曰令公來回紇驚拜曰果
吾父也
瞥爾驚吾父同然拜令公遙知恩義重恰似與真同
沙陀阿跌光進
有至性居母喪三年不歸寢

三年不歸寢至性切於親不信沙陀種還生如此人
右外裔之孝十首

烏

磬磬林鳥反哺其母

靈鳥噪何許反哺向中林人可不如鳥而無愛母心

鶴

鳴鶴在陰其子和之

好是鶴鳴陰居然子和聲休云氣所感自是物之情

燕雀

學海類編

孝詩

卷

十首

子母共處於一屋之下相哺相樂也

共母一屋下甯知屋欲然不須譏寡智相哺政堪憐

虎狼

虎狼不仁獸也父子相親何謂不仁仁之於父子

也

虎狼不仁也何乃謂之仁仁之於父子父子亦相親

猿

蜀鄧芝見猿抱於樹上引弩射中其母猿子為拔

箭以木葉塞瘡

不忍身逃箭知為母塞瘡人心有如此獸面本何常

犬

唐齊瓊家有犬常隱肉喉間出飼病母於頽垣瓊

收養之瓊死犬亦不食而斃

食肉隱兩頰飼母向頽垣終感主養母能將死報恩

羊羔

唐屠者王甲將割一母羊忽失其刃尋覓次蹴起

羊羔見所失刀藏腹下

已分几上肉誰藏腹下刀安知羊不死乃復自羊羔

下至禽獸豺獺有祭人而不加豺獺乎

曾聞豺祭獸還見獺陳魚人苟不知祭能如豺獺乎

蛇

漢竇武母產武并產一蛇後母葬有大蛇出林莽

以頭擊柩流血有哀泣之容

似有人傳訃來從榛莽中叩頭至流血垂泣有哀容

青蚨

水蟲子母不相離

子母不相離何心辨鳩蚨忍能利銅臭不枉喚錢愚

右禽獸昆蟲之孝十首

善乎誠齋先生之言曰人而禽狄如焉非甚也人

而不禽狄如焉非甚乎伊欲上詣聖賢下免禽狄

奚為而可曰學同曰孝書之座右日以自省同識

於左
言行忠信篤敬懲忿窒慾遷善改過

右修身之要

正其誼不謀其利明其道不計其功

右處事之要

己所不欲勿施於人行有不得反求諸己

右接物之要

熹切觀古昔聖賢所以教人爲學之意莫非講明義理以修其身然後推己及人非徒欲其務記覽爲詞

章以釣聲名取利祿而已今之爲學者既反是已然聖賢所以教人之法具杼於經有志之士固當熟讀而問辨之苟知理之當然而責其身以必然則夫規矩禁防之具豈待他人設之而後有所持循哉近世於學有規其待學者爲已淺矣而其爲法又未必古人之意也故今不復施於此堂而特取凡聖賢所以教人爲學之大端條列如左而揭之楣閒諸君相與講明遵守而責之於身焉則夫思慮云爲之際其所戒謹恐懼者必有嚴於彼者矣其有不然而或出

學海類編 卷之二 行誼
於禁防之外則彼所謂規者必將取之固不得而略也諸君其念之哉

附胡居仁規訓先生亦曾主洞事

正趨向以立其志

周子曰聖希天賢希聖士希賢伊尹顏淵大賢也伊尹恥其君不爲堯舜一夫不得其所若撻於市顏淵不遷怒不貳過志伊尹之所志學顏淵之所學過則聖及則賢○程子曰天下第一學問不可讓與別人作程子自十五六遂厭科舉之學慨然有求道之志

○朱子曰爲學須思所以超凡入聖如昨日爲鄉人今日便要爲聖人須竦拔後方始有進今日克念卽可爲聖明日罔念卽爲狂矣○張子曰學者當以立志爲先不爲異端惑不爲文采眩不爲功利汨庶可以言讀書○愚謂今之學者才氣高者每馳騫於空無元妙之域明敏者類以該博爲尙利名爲心又其下者不過務於詩句浮詞以媚世取容而已未嘗知有聖賢之學也夫聖賢之學得之於己可以成善治美風俗興教化三代可復也或者以爲聖人之道高

遠難至非後學之所敢及殊不知有生之類其性本同但聖人不爲物欲所昏耳今學者誠能時時省察使本心常明物欲不行則天性自全聖人可學而至矣聖人豈隱其易爲者反使人由於艱難阻絕之域哉

主誠敬以抒其心

呂與叔患思慮之多不能驅除程子曰此正如破屋禦寇東面人來未逐得西面一人又至矣左右前後驅逐不暇四面空疏盜故易入無緣作得主蓋中有

主則外患自不能入○朱子曰持其志則氣自清明學者當提醒此心使如日之方生則羣邪自息○纔主一便覺思意卓然精明○人一時間外面整肅便一時醒一時放寬了便昏怠也○愚謂今之學者但盡己之心毋使有一毫虛妄齋莊嚴肅毋使有一毫惰弛則所謂真實無妄主一無適者自可至矣由是以窮理修身齊家治國亦何所不可哉程子謂聰明睿智皆由此出信不欺我矣

博窮事理以盡致知之方

程子曰自一身之中以至萬事萬物之理理會得多自豁然有覺處○朱子曰盈天地閒皆物也以其至切而近者言之則心之爲物實主於身其體則有仁義禮智之性所用則有惻隱羞惡恭敬是非之情渾然在中隨感而應各有攸主而不可亂也次而及於身之所具則有口鼻耳目四肢之用又次而及於身不與物接若厭其煩擾思絕而去之則陷於老佛之空寂若不察其理之當然以機變爲足以應事則流於儀秦商鞅智謀之末爲小人之歸矣故必於事物

初接本心萌動之際謹察精辨孰爲天理孰爲人欲使善惡是非公私義利判然於前然後從其善而去其惡如此既久則義益精自無過與不及之差矣克治力行以盡成己之道

伊川問謝顯道相別半年作得甚工夫謝曰只去個矜字○朱子曰此閒講說時多踐履時多事事都要人自去理會○愚聞天之有生便有所以爲人之理是皆天之所賦非人力之所爲孟子所謂踐形是也今所以不能如聖人之從容中道者是氣質有偏物

欲有蔽故必克治其氣質之偏物欲之蔽然後可以
 盡此身之理以成乎己也苟或知而不行則前所窮
 之理無所安頓徒費講學之功無以為己有豈不重
 可惜乎
 推己及物以廣成物之功

愚聞朱子曰天之明命有生之所同得非我之得私
 也是以君子之心廓然大公其視天下無一物非吾
 心所當愛無一事非吾職所當為雖勢在匹夫之賤
 所以堯舜其君堯舜其民者未嘗不在吾之分內也

竊謂學者須要有如此心胸則規模廣大私吝之心
 自消推而行之豈有一民不被其澤一物不得其所
 也哉

附釋菜禮

周禮春入學舍菜合舞學記亦云大學始教皮弁祭菜
 示教道也鄭元曰菜蘋蘩之屬呂大臨曰釋菜禮之至
 簡者也不在多品貴其誠也本洞釋菜之禮每歲孟春
 郡守送諸生入書院則行先期洞生教官擇吉日請其
 祭品行禮齋戒三日全日郡守主祭禮畢升堂訓誨諸

學海類編 卷之六 行誼
生凡遇提學憲臣初入書院則行主洞教官初至書院則行具品齋戒如前

附釋奠禮

文王世子凡學春官釋奠於其先師秋冬亦如之報本也今制每歲用春秋仲月上丁日舉行先師之祭府州縣所在俱長官行三獻禮卽古釋奠之禮也本洞隸南康府府有儒學是日不能兼行考之月令仲春之月上丁命樂正習舞釋菜仲丁又命樂正入學習學則洞祭宜用仲丁郡守行禮然古人四時皆有釋菜之禮或于

夏冬行之亦不爲過

Blank columns for text on the right page.

程董二先生學則

宋 饒魯 編

凡學於此者必嚴朔望之期

其日昧爽直日一人主擊板始擊咸起盥漱總櫛衣

冠再擊皆著深衣或涼衫升堂師長帥弟子詣先聖

像前再拜焚香訖又再拜退師長西南嚮立諸生之

長者率以次東北嚮再拜師長立而扶之長者一人

前致辭訖又再拜師長入于室諸生以次環立再拜

退各就案

學法類編
謹晨昏之令

常日擊板如前再擊諸生升堂序立俟師長出戶立
定皆揖次分兩序相揖而退至夜將寢擊板會揖如
朝禮會講會食會茶亦擊板如前朝揖會講以深衣
或涼衫餘以道服褶子

居處必恭

居有常處序坐以齒凡坐必直身正體毋箕踞傾倚
交脛搖足寢必後長者既寢勿言當晝勿寢

步立必正

行必徐立必拱必後長者毋背所尊毋踐闕毋跛倚

視聽必端

毋淫視毋傾聽

言語必謹

致詳審重然諾肅聲氣毋輕毋誕毋戲謔誼譁毋及
鄉里人物長短及市井鄙俚無益之談

容貌必莊

必端嚴凝重勿輕易放肆勿麤豪狠傲勿輕有喜怒

衣冠必整

學海類編

程董二先生學則

行

學海類編
卷之二
勿為詭異華靡母致垢弊簡率雖燕處不得裸袒露
頂離盛暑不得輒去鞋襪

飲食必節

母求飽母貪味食必以時母恥惡食非節假及尊命
不得飲飲不過三爵勿至醉

出入必省

非尊長呼喚師長使令及已有急幹不得輒出學門
出必告反必而出不易方入不逾期

讀書必專一

必正心肅容計徧數徧數已足而未成誦必須成誦
徧數未足雖已成誦必滿徧數一書已熟方讀一書
母務泛觀母務疆記非聖賢之書勿讀無益之文勿
觀

寫字必楷敬

勿草勿欹傾

几案必整齊

位置有倫簡帙不亂書笥衣篋必謹扃鑰

堂室必潔淨

學海類編

卷之二 先生學則

三

行指

逐日直日再擊板如前以水灑堂上良久以帚掃去
塵埃以巾拭几案其餘悉令齋僕掃拭之別有穢
汚悉令掃除不拘早晚

相呼必以齒

年長倍者以丈十年長者以兄年相若者以字勿以
爾汝書問稱謂亦如之

接見必有定

凡客請見師坐定直日擊板諸坐如其服升堂序揖
立侍師長命之退則退若客于諸坐中有自欲相見

者則見師長既畢乃就其位見之非其類者勿與親

狎

修業有餘功游藝有適性

彈琴習射投壺各有儀矩非時勿弄博奕鄙事不宜

親學

使人莊以恕而必專所聽

擇謹愿勤力者莊以臨之恕以待之有小過者訶之
甚則白于師長懲之不悛眾稟師長遣之不許直行
己意苟日從事于斯而不敢忽則入德之方庶乎其

近矣。道不遠人理不外是。故古之教者自其能食能言而所以訓導之整齊之者莫不有法。而况家塾黨庠術序之閒乎。彼學者所以入孝出弟謹信羣居終日德進業修而暴慢放肆之氣不設于身體者。繇此故也。番易程端蒙與其友生董銖共為此書。將以教其鄉人子弟而作新之。蓋有古人小學之遺意矣。余以為凡為庠序之帥者能以是而率其徒。則所謂成人有德。小子有造者。將復見于今日矣。於以助夫后王降

德之意豈不美哉。熙淳丁未十一月甲子新安朱熹書

白鹿洞教條乃文公朱先生所集聖賢之成訓而學
則者鄉先生程董二公之所爲文公嘗有取焉者也
今合二者而並揭之一則舉其學問之宏綱大目而
使人知所用力一則定爲羣居日用之常儀而使人
有所持循卽大小學之遺法也學者誠能從事于此
則本末相須內外交養而入道之方備矣若夫近世
之所謂規者則文公不以施之鹿洞而謂必不得已
而後取之故今亦不敢列於此云寶祐戊午元日饒
魯謹書

白鹿洞教條乃文公朱先生所集聖賢之成訓而學
則者鄉先生程董二公之所爲文公嘗有取焉者也
今合二者而並揭之一則舉其學問之宏綱大目而
使人知所用力一則定爲羣居日用之常儀而使人
有所持循卽大小學之遺法也學者誠能從事于此
則本末相須內外交養而入道之方備矣若夫近世
之所謂規者則文公不以施之鹿洞而謂必不得已
而後取之故今亦不敢列於此云寶祐戊午元日饒
魯謹書

而後即之如合衣不取脫於此元官錄力主民
 公刑集其香服於人其服之而可謂其不
 本末未詳察內彼之奇而人而之其前命其
 會與計謂增人卜之其一二數也考其始始
 動人以其用也一二數也考其始始而動人
 今合二書而考其一二數也考其始始而動人
 而考其始始而動人一二數也考其始始而動人
 白原

桐陰舊話

宋 吏部尚書韓元吉无咎撰

忠憲公將生令公夢人手中書一大興字示之知門戶
 之將起也及命名從人從意而字宗魏蓋取畢萬之
 後必大萬盈數魏大名之義耳年六七歲病甚令公
 與夫人守視之忽若張口飲藥狀曰有道士牽犬以
 藥飼吾俄汗而愈後因畫像以祀按列仙傳韋善俊
 唐武后朝京兆人長齋奉道法嘗攜黑犬名烏龍世
 俗謂為藥王云

太保公忠憲曾祖也周國公祖也皆葬靈壽相比獻肅
公自太原移帥定武始議改葬既發則二瓦棺並列
于穴有泉湛然其下大驚以問鄉老有曰當時開墻
見水貧不能易地遂以木架于水上然猶不腐則知
未嘗溢涸耳因不敢改而相地者以爲奇第斷石柱
橫二石梁瓦棺仍之不別爲槨增築其封歧冢首于
上淇水李公邦直爲墓表孫康簡公曼叔書之亦買
田靈壽以贍同族之貧者

忠憲公少年貧時學書無紙莊門前有大石就其上學

字晚卽滌去遇烈日及小雨張敝繖自蔽率以爲常
公與李康靖公同行應舉有一氈同寢臥至別割氈爲
二分之其後浸貴以長女嫁康靖公子邯鄲公而第
七解州府君娶康靖公女子孫數世婚姻不絕

李康靖公爲汝州守趙公門客

本傳云依所親
趙况其是乎

忠憲公

亦往見焉趙公尤敬待忠憲每聞公至書院卽令設
肉食康靖嘗有簡戲云久思肉味請兄訪及也趙公
遂以女許嫁忠憲公旣過省趙公遣人送女至京師
資從甚鮮華女亦乘馬披繡衫戴帽泊城外旅邸一

學海類編卷之二 行誼
夕病心痛卒忠憲具素服往哭後乃爲王文正公婿也

公在蜀既逾年仁宗欲召爲參知政事宰相有謂當俟秩滿者而吏薦所厚善及公受代止以中丞召至仁宗遂遷公同知樞密院迄拜參政乃知聖眷自有定也然范文正公嘗進百官圖詆呂文靖而力薦公宜相文正出鄱陽出榜朝堂有妄露薦稱密行離間之語仁宗以諭公公奏曰臣頃歲陛下過聽擢贊樞密未嘗涉朋比結左右也况仲淹非親戚故舊若仲淹

舉臣以公則臣之拙直陛下所知舉臣以私則臣委質以來素無交託進退之際惟陛下所裁仁宗賜詔褒答

舍人諱綜字仲文景祐元年登進士第後以呂文靖公薦入館忠憲公書戒之曰惟上感君恩次答知己外但服勤職業一心公忠何慮前程不達切須照管人情周防忌善之言爲切繼遷開封府推又戒之曰乍贊浩穰庶事皆須熟思無致小有失錯至于斷一答杖或不當明則懼于朝章幽則畏于陰鷲二書真蹟

學海類編 卷之三
具在族人家自餘尙數紙亦與獻肅兄弟者無一筆
草書尾但云吾押付汝而不名

王夫人初未有子夢一僧貌甚異手持蓮花曰汝欲生
男乎摘五葉餌之後生舍人及獻肅公職方宮師莊
敏公五子皆貴顯嘗誨之曰汝父有法度爲世所知
汝曹或不及則人必以爲類我也其善教如此

獻肅公諱絳字子華發解過省殿試皆第三以元祐三
年三月薨皆三數亦異事也故蘇惠公頌挽詩云三
登慶歷三人第四入熙甯四輔尊蓋公自樞副遷參

政宣撫陝右卽軍中拜昭文相再入史館相也

職方諱繹字仲連從晏元獻公辟爲永興倅有富家子
悅娼女柳約爲夫婦而父母強爲之娶乃謀之市卜
教以厭蠱期妻必死可娶娼則厚酬之旣而妻果病
垂死妻之父母聞而告官晏公醇儒不信曰世顧有
是耶職方固請鞫之遂得實發地藏木偶人書其妻
名氏生時與咒詛之詞晏公大驚乃奏抵法

宮師諱維字持國忠憲公嘗夢巨碑中有宮師姓名而
爲金字莫曉所謂然亦意公必貴也故公不出應科

學海類編 卷之六 四
不請
舉忠獻公亦不强之曰是兒當自致遠大其後公預
元祐黨籍蔡京請徽廟御書羣臣姓名而金填之或
謂爲應

莊敏公諱縝字玉汝初求字于歐陽文忠公公以小合
幅紙書玉女二字送來莊敏大不樂明日相見猶有
愠容文忠公曰出處無點水也君何怪耶取筆添女
字三點相與一笑蓋詩中王用玉女但音作汝也前
輩亦雅戲若此

契丹使每歲至中國索食料多不時珍異之物州縣撓
動公之使虜入其境稍深則必索豬肉及胃臟之屬
從者莫能曉蓋燕北第產羊俗不畜豬驛司馳騎疲
于奔命無日不加箠楚所以困之爾旣回程與伴送
者飲率盡酒然公翌日乘騎如故初不病醒也蓋取
隨行大杯酌勸之伴者不能勝屢至委頓臨別痛飲
達旦及敘違馬上幾不能相揖後聞虜中責伴者以
失儀沙袋擊之至死

[Blank page with vertical lines]

錢氏私誌

宋

錢世昭

撰

神廟熙甯閒諭宰相王岐公云昭陵二女皆朕之姑卿
可選勲賢之後有福者尙之岐公未有以奉詔會大
父寶閣知台州回光玉補試入太學適與岐公之子
敏甫同齋敏甫告岐公云近有一錢少監子風骨不
羣文采富瞻恐可奉詔岐公遂就啓聖院設齋令敏
甫盡召同舍飯罷岐公會茶熟視光玉甚久皆不喻
其意翊日又令敏甫竊取所業攜以進御云臣向奉

學海類編 卷之二十一 行誼
詔選勲賢之後尚主今得吳越王錢某之孫與臣男
同齋得其業又奏啓聖親見之事乞賜召見上云待
共太皇商量後數日有旨令三班奉職曹詩進士錢
某又一人忘其姓名於某月某日同候宣押曹詩以
本色服光玉服布衣已時候內侍宣押入內至一小
殿殿內皆宮嬪兩貴主在焉引曹與光玉立于簾前
斯須上小帽領出簾外熟視云簾外與簾內一般顧
左右令止御樂聽聖旨簾內宮人傳旨錢某可尙慶
壽公主曹詩可尙承壽公主引入幕次更衣各賜襲

衣玉帶服所賜畢引至殿下謝恩殿上軸簾慈聖裕
陵宣仁欽聖同坐慈聖謂曹詩曰你是我姪曾見拊
光玉背曰錢郎好女婿上云是箇享福節度使左右
宮妃觀者如堵上同三殿徐登步輦還內樂聲漸遠
復引光玉與曹詩再入幕次賜酒五行執事皆宮人
飲罷內侍復引至宮門各以仗下御馬一疋崇政殿
親從官二十人導歸第謂之宣繫玉帶赴朝三日除
正刺史卻繫方金御仙花帶赴朝參逾年賢穆下降
三殿護送就第太常鹵簿迎引故事下降後三日貴

主同副車詣景靈宮及入內謝畢方見舅姑舊例貴
主畫堂垂簾坐舅姑拜簾外賢穆奏乞行常人禮上
與慈聖大喜再三稱詔從請上令中使宣諭宰執是
日宰執殿上稱賀

賢穆乳母永嘉董夫人一日入禁中慈聖問云主主以
未得子爲念爲甚不去玉仙聖母處求嗣董奏曰都
尉不信事須是官家娘娘處分後數日光玉入禁中
上笑云董婆來娘娘處說都尉來光玉皇恐謝罪欽
聖云別沒事只是娘娘要教主主去玉仙求嗣董奏

云都尉不信光玉奏云既得聖旨安敢不信遂擇日
與賢穆同詣玉仙止雷知觀老道士一人祝香祈禱
道士見貴主車服之盛歎豔富貴云願得貧道與大
主作兒子歸而有娠明年四月十五日光玉欲赴朝
賢穆云我昨夜夢見玉仙觀知觀來與我作孩兒亟
遣人詣廟祈禱且問道士動靜知觀自去年大主上
廟後便不安不下牀多日矣知觀在房內聞人聲問
云甚處人來報云錢大主臨蓐齋香燭祈禱知觀笑
云來催我也是日告殂大父寶閣善推步午時遣人

來報光玉云得數七十有九若今日酉時生是箇有
福節度使伯兄果酉時生平生淡薄壽享正七十有
九

賢穆有荆雍大長公主牌印金鑄也金鞞勒瑪瑙鞭金
撮角紅藤下馬杌子聞國初貴主乘馬元祐後不鑄
印無乘馬儀物

歐文忠任河南推官親一妓時先文僖罷政爲西京留
守梅聖俞謝希深尹師魯同在幕下惜歐有才無行
共白于公屢微諷而不之恤一日宴于後園客集而

歐與妓俱不至移時方來在坐相視以目公責妓云
未至何也妓云中暑往涼堂睡著覺失金釵猶未見
公曰若得歐推官一詞當爲償汝歐卽席云柳外輕
雷池上雨雨聲滴碎荷聲小樓西角斷虹明闌干倚
徧待得月華生燕子飛來栖畫棟玉鉤垂下簾旌涼
波不動簾紋平水精雙枕傍有墮釵橫坐皆稱善遂
命妓滿酌賞歐而令公庫償釵戒歐當少戢不惟不
恤翻以爲怨後修五代史十國世家痛毀吳越又于
歸田錄中說文僖數事皆非美談從祖希白嘗戒子

學海類編 卷之四 不詳
孫母勸人陰事賢者爲恩不賢者爲怨歐後爲人言
其盜甥表云喪厥夫而無託攜孤女以來歸張氏此
時年方七歲內翰伯見而笑云七歲正是學簸錢時
也歐詞云江南柳葉小未成陰人爲絲輕那忍折鶯
憐枝嫩不勝吟畱取待春深十四五閒抱琵琶尋堂
上簸錢堂下走恁時相見已畱心何況到如今歐知
貢舉時落第舉人作醉蓬萊詞以譏之詞極醜詆今
不錄

岐公在翰苑時中秋有月上問當直學士是誰左右以

姓名對命小殿對設二位召來賜酒公至殿側侍班
俄頃女童小樂引步輦至宣學士就坐公奏故事無
君臣對坐之禮上云天下無事月色清美與其醉聲
色何如與學士論文若要正席則外廷賜宴正欲略
去苛禮放懷飲酒公固請不已再拜就坐上引謝莊
賦李白詩美其才又出御製詩示公公嘆仰聖學高
妙每起謝必勅內侍挾掖不令下拜夜下三鼓上悅
甚令左右宮嬪各取領巾裙帶或團扇手帕求詩內
侍舉牙牀以金相水晶硯珊瑚筆格玉管筆皆上所

用者於公前來者應之略不停綴都不蹈襲前人盡
出一時新意仍稱其所長如美貌者必及其容色人
人得其歡心悉以進呈上云豈可虛辱須與學士潤
筆遂各取頭上珠花一朶裝公幘頭簪不盡者置公
服袖中宮人旋取針線縫聯袖口宴罷月將西沈上
命輟金蓮燭令內侍扶掖歸院翊日問學士夜來醉
否奏云雖有酒不醉到玉堂不解帶便上牀取幘頭
在面前抱兩公服袖坐睡恐失花也都下盛傳天子
請客

蔡魯公帥成都一日於藥市中遇一婦人多髮如畫者
毛女語蔡云三十年後相見言訖不知所在蔡後以
太師魯國公致仕居京師一日在相國寺資聖閣下
納涼一村人自外入直至蔡前云毛女有書蔡接書
其人忽不見啓封大書東明二字蔡不曉其意後貶
長沙死于東明寺因就叢焉呂辨者蔡門人蔡罷珠
履盡散獨呂送至長沙呂乘閒問蔡云公高明遠識
洞鑑古今知國家之事必至于斯乎答云非不知也
將謂老身可以幸免

徐神翁自海陵到京師蔡謂徐云且喜天下太平是時
河北盜賊方定徐云太平天上方遣許多魔君下生
人閒作壞世界蔡云如何得識其人徐笑云太師亦
是

紹興間吳山下有大井每年多落水死者董德之太尉
率眾作大方石板蓋井口止能下水桶遂無損人之
患有人夜行開井中叫云你幾箇怕壞了活人我幾
箇幾時能勾託生觀此不可謂無鬼也

徽皇聞米元章有字學一日于瑤林殿張絹圖方廣二

丈許設瑪瑙硯李廷珪墨牙管筆金硯匣玉鎮紙水
滴召米書之上出簾觀看令梁守道相伴賜酒果乃
反繫袍袖跳躍便捷落筆如雲龍蛇飛動聞上在簾
下回顧抗聲曰奇絕陛下上大喜盡以硯匣鎮紙之
屬賜之尋除書學博士一日崇政殿對事畢手劄子
上顧視令畱椅子上米乃顧棗殿云皇帝叫內侍要
唾盂閣門彈奏上云俊人不可以禮法拘一日見蔡
魯公蔡云元章書法之妙今日可謂第一龜山須還
他曼卿佛牌爲第一米曰恁地時龜山卻且作第二

米有孔子贊曰孔子孔子大哉孔子孔子以前未有孔子孔子以後更無孔子孔子孔子大哉孔子篆書刻石

東坡在惠州佛印居江浙以地遠無人致書爲憂有道人卓契順者慨然歎曰惠州不在天上行卽矣因請書以行印卽致書云嘗讀退之送李愿歸盤谷序愿不遇知于主上者猶能坐茂樹以終日子瞻中大科登金門上玉堂遠于寂寞之濱權臣忌子瞻爲宰相耳人生一世閒如白駒之過隙二三十年功名富貴

轉盼成空何不一筆勾斷尋取自家本來面目萬劫常住永無墮落縱未得到如來地亦可以驂駕鸞鶴翱翔三島爲不死人何乃膠柱守株待入惡趣昔有問師佛法在甚麼處師云在行住坐臥處著衣吃飯處痾屎刺撒處沒理沒會處死活不得處子瞻胸中有萬卷書筆下無一點塵到這地位不知性命所在一生聰明要作甚麼三世諸佛則是一箇有血性的漢子子瞻若能脚下承當把一二十年富貴功名賤如泥土努力向前珍重珍重

唐一行嘗語人曰吾嘗得古人相法相人之法以洪範五福六極為主觀其所由察其所安可得大槩若其人忠孝仁義所作所為言行相應顛沛造次必歸于善者吉人也若不忠不孝不仁不義言行不相應顛沛造次必歸于惡者凶人也吉人必獲五福之報凶人必獲六極之刑不于其身必于其子孫若但於風骨氣色中料其前程休咎豈悉中也

荆公舉一酒令云有客姓任名稔販金販錦關吏止之曰任稔任入金錦禁急又字謎云目字加兩點不得

作貝字猜貝字欠兩點不得作目字猜賀資二字也又四箇口盡皆方加十字在中央不得作田字道不得作器字商副字也

燕北風俗不問士庶皆自稱小人宣和閒有遼國右金吾衛上將軍韓正歸朝授檢校少保節度使對中人以上說話即稱小人中人以下即稱我家每日到漏舍誦天童經數十遍其聲朗朗然且云對天童豈可稱我自皇天生我皆改爲小人云皇天生小人皇地載小人日月照小人北斗輔小人前後一十餘句凡

稱我者皆改爲小人誦畢贊笑云這天童極靈聖王少師云若無靈聖如何持得許多小人然小人有母皆嘗小人之食小人之稱其來古矣施之于經是可笑也

隆興初賀子忱知樞密院有武臣陳理公嘗稱從軍三十餘年累立戰功宣和年第一次燕山府立功靖康年第二次白溝河立功第三次黃河立功第四次京城立功建炎年第五次海州立功第六次揚州立功紹興年第七次瓜州立功第八次和州立功第九次

太平州立功辭氣不平謂朝廷推賞一次輕于一次賀正色云只爲邊功一次近于一次武臣無詞聞者稱服

宋相郊居政府上元夜在書院內讀周易聞其弟學士祁點華燈擁歌妓醉飲達旦翊日諭所親令誚讓云相公寄語學士聞昨夜燒燈夜燕窮極奢侈不知記得某年上元同在某州州學內喫齋煮飯時否學士笑曰卻須寄語相公不知某年同某處喫齋煮飯是爲甚底

元豐閒宋閣使者善人倫上知而問云朕相法如何對云陛下天日之表神明之姿下臣不得而名又問王安石如何對云安石牛行虎視牛行足以任虎視足以威又問卿如何對云臣草木瓦礫陛下用之則貴不用則賤

張天覺丞相再召到闕謝表云十年去國門前之雀可羅一日還朝屋上之烏亦好後有一達官效顰云十年去國不聞長樂之鍾一日還朝復見大君之鼎見魏漢津所鑄九鼎初成也

明節劉后一時遭遇寵傾六宮忽苦疴疾臨終戒左右云我有遺祝在領巾上候我氣絕奏官家親自來解語畢而終左右馳奏上至哀慟悲不自勝領巾上蠅頭細字其辭云妾出身微賤而無寸長一旦遭遇聖恩得與嬪御之列命分寒薄至此天折雖埋骨于九泉魂魄不離左右切望陛下以宗廟社稷之重天下生靈之眾大王帝姬之多不可以賤妾一人過有思念深動聖懷况後宮萬計勝如妾者不少妾深欲忍死而與君父訣別謫限已盡不得少留冤痛之情言

不能盡下有數百點悲切之言不能盡記自後左右
 每欲寬解必提領巾上愈傷感聞者謂李夫人不足
 道也林靈素謂后是九華安妃臨終聞本殿異香音
 樂次年有青坡術士見后于巫山髣髴鈿合金釵云

叔父太尉昭陵之甥親見宣政太平文物之懿逮事
 太上備膺養遇在帝左右銜金出疆凡耳目所接事
 出一時語流千載者廣記而備言之世昭敬請而集
 名曰錢氏私誌云姪迪功郎秀州嘉興尉世昭序

各日幾力...
 出一知...
 太土...
 出...
 太土...
 出...

萬柳溪邊舊話

宋 知非子尤 圮君玉撰

始遷祖贈待制公

諱叔保

自晉江避難入吳往來吳中諸

郡未有定處嘗同王樞密康靖公游浮玉山宿壯繆

侯祠中以下居求夢夜夢侯手賜錫器器中書一成

字覺以告康靖康靖曰器者器皿也皿上著一成字

錫者常之西南有錫山神明賜公錫器意者俾公無

錫而子孫盛乎始祖遂領神意定居錫之許舍山中

命子孫世世奉壯繆侯香火

待制公徒手入吳以正直名世縉紳多厚遇之性最穎善書尤長方丈扁額字閒以繪畫自娛求者必厚價然後落筆故晚年頗雄於財園亭池館爲一時絕勝許舍山中祖基乃買江氏敝居而新之者也東偏楠廳三閒壯偉高敞玉蝶梅四十二樹環遶之待制公善書書環玉堂三字于梁閒後文獻公諱於紹聖元年畢漸榜登第四十二歲而入玉堂四十二樹之兆也

事詳君墓志中文獻公生宋神宗熙寧七年八月朔日

待制公嘗游福勝禪寺少飲卽醉午睡一竹榻旣覺有

長眉老僧坐其傍告公曰吾居鳳皇山禪定百年傳先師相氣之法見先生左鼻氣如松右鼻氣如雲此身後清貴永永留名子係貴盛罕有其比但不及親見之耳相與結納而別後果如老僧之言今公不遷之祠扁雲松堂蓋自定也

許舍山多許氏有修吾先生精于禮樂文獻公師事之先生卽選爲長壻愛同諸子公後與修吾長子少卿公德之同年舉進士又與德之相繼拜司封郎中人以爲奇

許舍山深多虎童男女晝不敢出戶待制公憂之乃命
蒼頭拾棟子數十斛預作大繩以棟子置繩股中埋
于山之四圍不四五年棟樹長大如城圍山中人號
爲棟城相與出貲造四門于四方曉開夜閉虎遂不
敢逾城而入山中人德公世世尸祝之焉

關侯祠凡三易後定築于青楓巖下祠後潭水清澈可
愛另立一方亭對潭扁曰雲雷亭題兩邊柱曰山光
悅鳥性潭影空人心皆待制公手筆待制公奉關侯
如祖先朔望必拜餘日隔三五日必來灑掃虔揖培

灌竹木故竹木比他山麓更森蔚可愛春秋多遊人
亦有進關侯香者待制公晚年畏寒慎于出戶已經
一月不入祠一日微雪中肩輿而來以袖拂侯像之
塵侯兩顴若有汗者待制公以爲灑掃之役誤以水
及像乃手拭之既乾稍久復有心甚疑之不覺淚下
速歸便臥疾一月而終正除夜也

上事閱譜
載之更詳

待制公生二子皆洪夫人出也長有終公

諱大成

年二十

四而娶范貞節娶二年而舉子陽秋公

諱中

范貞節年

十九而有終公歿貞節水漿不入口哭泣二日懷陽

秋公付少姑徐氏曰姑無子以我子為子可也徐將問故貞節持夫故佩劍自刎死有司如例給粟養陽

秋公而表其墓

少姑待制公妾

出山身育慈公

大甲二十

有終公母弟無已公

諱大

生有俠氣鄰右許氏婦與人

私同謀殺夫里宰發其事有司不明置里宰罪公捐數十金為贖之一夕矚知許婦與私夫同處于樓公素有勇力乃持刀躍入樓破其戶斬二人以出亡而遇一僧持燈夜歸者惟識公公懼變服逃于蕩東西僖里子文獻公借蘇州籍薦名淮漕不第復歸里中

明年州薦始登進士

陽秋公與從弟文獻公同年月生公長十日耳以母范貞節死于劍戒家人不得殺牲人殺者亦不食人稱為清素道人終其身不忍服紵綺等衣從弟官日尊得推恩歲以公名進公不應布素食淡自如年三十而生子贈少帥公

諱時

遂與鄒夫人別居公一生未嘗近二婦也鄒夫人年百有四歲而卒

贈少帥公字逢盛號雲耕奉父母有曾參之譽承祖父高貲喜任達傾財結客多樂與賢豪貴人游里有蕭

氏者先世皇胄富冠一郡放利行勢則有之未嘗爲盜也富爲眾怨一邑之人共指湖中爲盜一家六十餘人考掠成獄待死時文獻公官尊矣知其冤而不與白公乃傾家產爲蕭白之遂以勞瘁卒年四十有五室耿夫人一慟亦卒公與耿夫人同年同月生只不同日耳而卒則無不同人咸異之

文獻公二姊皆適葛氏兄弟也一子各生四男皆有文章盛名江左稱葛氏入麀勝仲次仲同登何昌言榜進士後文獻公一科耳師仲正仲繼之亦一時衣冠

之盛而其後舉者亦十餘人咸得外家之教

文獻公年二十一歲登哲宗紹聖元年進士以薦試學官高等除教授三轉至禮部員外郎權國子司業遷司封郎進太常卿兼諭德累除國子祭酒中書舍人給事中拜兵部尚書尋知樞密院除觀文殿大學士知建康府加少保致仕年八十五薨贈少師諡文獻文獻公有抄寫義子平真自孩時卽茹素便利可喜侍公頤指當意公甚愛之真年十九公出重貲取沙頭王氏女爲妻明年八月十五子時王氏產一女從左

脅不出舉家往視之無不驚愕其脅開縫三月餘始
沒尙有丹線一大條久之可驗所產女名曰佛奴慧
悟異常而貌端麗方五歲舉動如成人至秋漸不食
形體日小一日八月十五子時其母丹線忽開女便
躍入母腹卽痛死公命以僧家法焚之築小塔於赤
石嶺葬焉平真日夜思念妻女不兩月亦死
文獻公末年雖遷居東帶河上世祠猶在許舍山一日
守第人聞祠堂中哭聲甚高明日開戶視之神主前
大銅鑪裂爲八塊人以為不祥至八月廿八日文獻

公無疾而薨

工部侍郎九龍公

諱著

字少蒙文獻公長子生而右手六

指四歲時尙未能言秋曰從母張太夫人往東門迴
溪莊塗遇老僧忽前抱公曰六指禪師其生于此乎
又落富貴劫矣公曰別來安善相對而泣自此能言
其敏慧非人所能及公爲姑蘇王寺丞壻多游胥臺
虎邱之間二十八以蘇籍登第甫耆懸車徙于鵝湖
西僖里更號西僖居士再修覺林寺時時謝事而游
處焉一日在寺見老僧復來而公卒于寺左先祠中

工侍公紹興二年第二名進士有文名嘗主管吏部架閣文字除太學錄兼實錄檢討官擢博士改宗正簿累官兵部郎官由禮部郎中爲太子詹事兼祕書監權工部侍郎以疾致仕
工侍公致仕後徙居鵝湖旣創大第復築名園以其餘力改造覺林寺寺傍創文獻公祠堂五楹自爲之記鑿石樹祠中記曰覺林在吾西傳吾家爲檀越者百
年大觀初先文獻公致政歸寺適傾圮廓而新之予時爲童子嘗從先公游寺中寺僧輒坐先公銜杯賦

詩畱連忘返者恆數日比余旣冠假寺以讀僧之坐我酒我者視昔逾密予若將終身樂焉後釋褐官行在所時偷簿書暇過西湖上流憩諸刹恍然覺林舊境也然心之悶沈萬萬矣已念吾大人投紱而歸歸未數年而先公棄世旣葬僧淵來謁請以其旁院五盈奉先公香火卽先公嘗坐而飲者余感其意復出金買田三頃畀之俾爲標燭費時時展拜先像甯與僧觴咏翩翩然少年佳思一旦復也恨先公坐臨其上不能觴咏如舊日耳閒語淵曰吾再世有德于寺

僧爾寺僧亦奉我先公香火如孫子此誠左右手不可背也願鑄石壁開示我後人無替先公之志俾寺之或毀而不能新也僧或散之四方而不能使復也爾寺僧亦虔祠事世相守無相忘嗟乎一切有爲咸如夢幻夢而覺焉安知覺林之爲色邪空邪余之貪癡乃諄諄于世守淵當戒我曰檀越何久不起矣余以先公之故不能忘情聊爲之銘銘曰茫茫苦海有此覺林釋我吏事來聽梵音不同者道有契者心心之感矣言念昔今在昔先公策杖茲尋今也何之肖

像余臨華燈明滅青篆浮沈庭賓啼鳥簾迓遙岑既瞻既拜亦詠亦斟爾贖我醉滌此塵襟笑回遠社知結牙琴願言永世講議彌深我銘末後式也如金

國子公

諱時泰

資稟神異一目十行嘗舉博學宏詞除國

子監主簿不赴志樂幽寂多從高僧道士游常得王八百井中儲丹如璧如月盡食之徧遊名山更名道元號浩光道人歷數年不返人以爲死矣至乾道中年已百餘歲乃一旦還家童顏黑髮無異少年子孫皆亡獨爾曾孫在侍奉又二十年無疾化去化五日

聞棺中呼人名速開之惟有一履一玉冠耳公乃工
侍公從弟也

邑志
有傳

閩僧普明喜爲人相葬地文簡公

諱

父雲耕翁卒普明

徧相吳塘山之陽而葬之文簡公廬于墓者三年其
始葬方十日月夜見萬燈滿湖吐聲震地文簡公懼
興二三僮僕棲隱喬松之下空中問曰此地發福三
百年彼人子有何德而畀之速令發去又聞空中高
聲應曰尤時亨累世積德表又純孝之子也空中又
曰世德純孝可當此地矣其善護之此紹興十四年

秋事也文簡公服闋卽登上第祖孫皆尙書至不肖

玘凡六世而金紫未絕也

邑志
詳

文簡公生靖康丁未資質絕人五歲能爲詩句文獻公

曰此天上騏驎吾不如也十歲親授以經蔣偕施垌
以神童薦于有司年十五以詞賦爲諸士冠毗陵自
置郡以來未有舉進士第一人者文簡公二十二歲
名冠南宮廷擬狀元因不呈卷秦檜易以王佐時文
獻公尙在

文簡公與朱文公同榜俱有文名召除將作監簿虞允

文以史事過三館問孰可爲祕書丞者共以文簡名對亟授之張先生栻曰尤君真祕書也及張說入西府公率三館上書倍說補外守台州聲名同前守趙汝愚上得其善政又得其東湖四詩嘉之遂除淮東提舉太上前崩文簡公定號高宗洪邁請易世祖公率顏師魯奏太上親爲徽宗子子爲祖父爲宗失昭穆之序在天之靈不安邁論遂屈卒如公議孝宗嘗與文簡公論人才曰如卿才識近世罕有語宰執曰尤表甚好前此無一人言何也擢直學士院公薦陸游

不許內禪制用海內士服其博雅

文簡公造就門生最盛卽江南已有十人郡邑後進無不遊公之門如郡邑士胡寶慶鏗李祭酒肅簡公祥蔣狀元文忠公重珍丁寶謨常任皆公陶鑄而成者韓侂胄以應辦賞直轉橫行文簡公奏侂胄四年閒已轉二十七年合轉之官又欲超授四階是朝廷官爵專徇侂胄非磨礪之具也詔遂不行上以疾不省壽皇文簡公上封事干言駕卽日過重華宮都下懽呼中宮謁家廟官吏推賞者一百七十二人文簡口奏

其濫乞人裁節上嘉納汰其半擢公禮部尙書兼侍
讀陳源姜特立召用人情驚駭公上封事極言二人
之惡不聽時公年七十遂引年歸又八年薨宋史言
年七十終于位誤也

文集
可考

文簡公始任揚州泰興令改江陰學官召爲將作監簿
大宗正丞進祕書丞兼國史院編修官實錄院檢討
遷著作郎兼太子侍讀出知台州府除淮東提舉改
江東召直祕閣遷江西漕兼知台州府召爲敷文閣
改江東提刑召爲吏部郎官太子侍讀累遷樞密院

正兼左諭德進太常少卿權禮部侍郎兼同修國史
侍講又兼直學士院中書舍人與祠起知婺州改太
平州召爲煥章閣待制除給事中兼侍讀擢禮部尙
書以改政奉大夫致仕贈太師金紫光祿大夫

文簡公致政歸不居許舍山專居東帶河大第數步卽
出西關渡梁溪因造圃梁溪之上後有高岡眺望沿
溪左種梅右種海棠各數百樹公有瑞鷓鴣詞二首
一詠落梅一詠海棠落梅詞云梁溪西畔小橋東落
葉紛紛水映空五夜客愁花片裏一年春事角聲中

歌殘玉樹人何在舞破山香曲未終卻憶孤山歸醉
 路馬蹄香雪襯東風海棠詞云雨行芳蕊傍溪陰一
 笑嫣然抵萬金烈火照臨光灼灼彤霞射水影沈沈
 曉妝無力胭脂重夜醉方酣酒暈深定自格高難著
 句不應工部總無心文簡公有詩文集五十卷
 臨海公諱工侍公子也娶久不育一日游飲鵝湖中狂
 風驟發睹一失風覆舟心甚憐惜懸重賞命漁人往
 拯之乃常熟州倅汪受任滿攜家人京者貲囊皆失
 幸一家十一口俱獲生全受甚德公出其長女以獻

時女年二十有二矣亦有姿色公厚賞其行橐而領

之又二年而生正平公諱汪倅女所產也

正平公好潔雖畜妻妾而不喜近一日閒數盥洗手面
 不茹葷不飲酒稍聞婦女髮油氣嘔吐不已或云終
 身未嘗行人道好焚異香日狎一馴鹿所至隨之書
 宰中潔不容一塵公必來自仙位中者乎享年八十
 八卒無子女以太常博士公諱次子寺丞公諱燿為嗣
 即玘之高祖也

兵部侍郎五湖公諱初生時全體刺百花鳥雀十歲時

隱隱尚存資極慧倦于誦讀以父蔭入仕仕二十年
至兵部侍郎享高年令終

兵侍公性愛蟹秋風蟹肥日把酒持蟹與客笑傲山陰
術士袁大韜者其術動帝皇孝宗時時召前席賜賚
不可勝計大韜挾人主之寵往來三公九卿閒而與
兵侍公最昵一日訪公里第值公在華藏寺遂採扁
舟擢湖而來公方與客飲雲海亭上漁人網得八大
蟹其內有二大綫一觔非復平日所見公甚喜捐錢
數百文賞之而大韜適至喜而劇飲大韜曰某近遇

一異術能知人食料兵侍公曰今得八蟹一主六客
孰兼食者大韜嘿坐屈指數十迴筭之面漸赤大叫
曰異事異事七人俱不得食蟹眾皆大笑大韜復嘿
筭者久之謂兵侍公曰公五年以內未得食蟹公亦
大笑未幾客有朱朗卿與弟遂卿者偕去酒方數行
催庖人治蟹甚急忽遂卿奔來吾兄催蟹啓釜觀之
睹一落足甚巨取而嘗之頃刻眩倒眾共奔視朗卿
死矣二三客迎醫治木各司其事至暮遂不能救大
韜手取諸蟹傾于湖濱偶遺一二落足于岸左一犬

食之立斃而湖濱大小魚之死者不可以數計湖中
漁舟百十皆仰尤氏爲衣食者乃召進蟹人問之曰
得于湖岸大垂楊下公命僕夫持鍤掘之得赤首巨
蛇數十蟹之大者以久餐毒氣也兵侍公甚憐則卿
厚葬而恤其子弟厚賜大韜數十金終身戒不食蟹
兵侍公夫人性嚴卞常苦目疾時發時止則往往不食
海內有名眼藥俱用過不能愈莊定公夫人甚孝其
姑姑亦大愛之夏日姑目疾大發最劇幾欲自投池
水中莊定公夫人慟哭禱天刺臂血調藥以進姑目

卽愈歷數十年至大故未嘗復發

事詳夫
人墓誌

自文獻公首出登第工侍公繼之文簡博士迪功莊定
科名接武莊定公嘗築圃臨安之西湖花木不繁而
瀟洒宋度宗游湖上幸其堂御筆題楹閒曰五世三
登宰輔奕朝累掌絲綸蓋實錄也朝紳榮之

許舍山中井水多鹹苦人飲澗水夏日常患腹疾兵侍
公夫人曾夢神人撫一鐵柱恍惚如金色泉水湧出
柱下頃刻數尺因此驚覺以告兵侍公久之歸甯還
家幃輿中見山閒一柱宛如夢中所睹問女使不見

也命僕夫以松椿識之歸告兵侍公召匠鑿之不十尺而泉水湧出甘淡不異二泉鄉人作地溝分注數十井不竭矣丞相名之曰二二泉而為之銘銘曰拔劍刺山水為之湧折腰拜井泉出隨踵精誠所格無有弗應豈以地靈而誠不勝山深井少飲澗痞孕夢神授符濬之泉瑩色清味冽慧泉可夷分注百井汲飲有遺匪世行德神明曷授澤沛萬家來福逾厚泉名二二我豈溢美勒此銘詞千禩毋毀

博士公諱字與平文簡公次子淳熙二年進士累官建

康府推官擢左朝奉郎太常博士因性閒雅不樂仕宦占仕籍十餘年半在告未壯懸車多方外之游母兄兵侍公極富貴聲色之樂公不一與目自築室于萬竹中晏坐焚香泊如也未耆而歿人共惜之所撰有綠雲寮詩草人比之韋蘇州子二長祕閣公燾次衛尉寺丞燿

迪功公諱字與茂苦志力學甯宗慶元五年年三十九

矣始登進士高第補揚州文學擢迪功郎監潭州南岳廟父知寶慶府致仕在家時年七十獨公一子遂

乞歸養承懽竭力事寶慶公者十五年親終服除公亦老矣不復仕宦兄弟中獨公最貧徒富圖書古玩

亦享高壽

莊定公

諱

年十九登甯宗嘉定元年鄭自誠榜進士文

簡公登紹興戊辰科嘉定元年亦戊辰科也初授山陽法曹郎令山陽倅海陵參東淮制幕入爲軍器監簿遷太府丞檢詳編修擢司農少卿總餉淮西除理卿出爲福建帥改沿江制制召爲祕書監繼大父爲侍講兼直院出知太平州州亦大父舊治也召修史

進侍讀權工部尙書繼大父爲禮部尙書丁父兵侍公憂服除召拜內翰端明殿大學士提舉祕書省提綱史事封毗陵郡侯十年致仕時甫六十有一優游于家者二十四年而後終公少達老閒久歷于世其事行甚多門人趙探花達甫君發感公教育之恩著尤端明日歷十一卷其文淳其事奇鏤板至今盛行于天下故不復贅

文簡莊定二公繼文獻公任三事祿入益厚晉江宗人歲歲來覲皆厚貲以遺之莊定公晚年捐積俸買田

十二頃于晉江以贍族之貧者

事詳晉江人張明誠
瞻日記事詳閩譜

刺史公

諱煉號
率齋

學最早十歲通五經十五已閱萬卷矣

善為古文累舉不第至度宗景定三年始登方山京榜進士令山陽不樂吏事告歸薦補州教授召為祕書正字不能佞權要出為廣德刺史致仕家貧享大耋清福二子燾照皆仕不顯而博學有名當是時江南郡邑金石文章皆其父子之筆至今石碑布滿諸處本邑中史多刺史公年少于莊定而叔行也

祕閣公

諱燾

弱冠時讀書于九龍山第五曲愛其中喬松

數十株即其中結精舍舍後築小閣山林清景咸備一日松下忽湧大水橫流數日不止公下視之有眼即命山人穿之深五尺而水泱泱清澈汲以煮茗與二泉無異也遂以石甃之自號松泉生公後致仕家居亦常居此精舍松益老泉益清公甚樂
事詳蔣嗣梅松泉精舍
公既老有宿疾亦養疾精舍中一日汲泉忽臭味達于戶內公甚震驚及夕而泉竭不半年公亡矣朝廷每大慶必推恩于大臣文獻文簡祖孫各經推恩數次往往力辭然中亦有不能辭者文獻公以上四

代莊定公以下五代無一人不沐朝澤列冠裳

寺丞公諱太常博士公仲子字仲微生世祿家而好藝

文既長益習經術其業遂為江南士子心服久不登

第及門受經諸生歲以百數公選其最貧者給食次

貧者給毫楮士心益向公既嗣為正平公子更名英

年四十始以大父蔭出仕仕至衛尉寺丞郎拂衣歸

教諸生如故年六十三卒紹定癸巳也生子將作公

諱字公垂資稟最高少與父門下諸名生切磋十年

讀書萬卷性喜為詩有復初齋詩彙十二卷行世以

伯父莊定公蔭授太常寺大祝擢將作監主簿以詩
忤達者去官生子一即玘之大父也以玘推恩追封

中憲大夫同簽樞密院事中憲公諱字尚之配郡君

司馬氏生九子不育者七獨先君亞中公諱與叔氏

穎父諱存先君以玘推恩累進亞中大夫僉太常禮

儀院事配先母魏郡夫人司馬氏生玘穎父公生從

兄良器仕為提刑點檢子即天澤也天澤與君同撰

尤譜

終慕公諱字元鎮度宗景定中有名太學素謹厚緘默

學海類編
有志操晚年堅高尚之節有勸之仕者輒以醇酒醉
之私謂家人曰吾家三百年科第十世冠裳宋恩渥
矣吾何忍失身二姓乎願肥遁終身耳公與予仕隱
雖異跡公真淳厚君子也

萬柳溪邊舊話跋語

先曾祖大司徒守元公諱比致仕還架數十木屋於

萬柳溪上日聚親族談先世事著溪邊舊話三卷不

肖實少侍父味菜翁諱君敬翁時述其話洪武二十

九年丙子科實幸登鄉書第四名伯兄務朴公諱文

詔徵孝廉具牢醴率實祭告司徒公墓大會族人于

覺林寺祠屋中求所謂舊話已簡斷墨闕不可讀者

逾半命門人許靈就燈下抄其完者以歸恨全帙之

不得又數年實佐南昌攝郡篆捐俸刊本傳之子孫

曾孫男實拜跋

君子之澤五世先文獻公甫三世而文簡公光大之
元孫莊定公繼其位源益深流益遠文簡公傳我大
司徒公中起名位壽富貴一世嘗著舊話三卷曾從
祖南昌公刻之逾百年而板朽從子都給事中魯重
梓家塾予男瑛帥廣又刻之憲臺一歲二板俱行傳
之可久矣嘉靖壬子大司徒公七世孫禮部員外郎
晉識時年七十有四

